

*Prome Minister:*

**“Unico manera cu por sali di e situacion ta pa traha ariba otro rijkswet”**



Pagina 4

- **Siman mundial di curason, un siman pa trece cambio**

Pagina 7

- **Chavismo ta kere cu turismo lo ta e elemento fundamental pa e desaroyo di Venezuela**

Pagina 11

- **Minister Endy Croes ta elabora cu Fundacion Lotto pa Deporte riba e proyectonan na caminda**

Pagina 17

**A firma MoU pa evalua posibilidad di explora hidrocarburo den awanan territorial di Aruba**



Pagina 3

**Corsou: Ministerio di Husticia ta sigui proceso legal pa menornan cu a yega via boto**



Pagina 8

**Lider di Banco Central Europeo: grado di interes lo keda halto “tanten cu mester”**



Pagina 23



## Bandera di Metanan Mundial pa Desaroyo Sostenibel a ser hisa na diferente parti di Aruba

25 di september di aña 2015, diferente lider na nivel mundial a adopta un conhuntito di metanan specifico cu nan mester logra den 15 aña, ayera Aruba a conmemora e dia aki ayera cu hisamento di e banderanan di Sustainable Development Goals.

E meta di esaki ta pa crea mas consciencia y mas aceptacion den comunidad, e metanan mundial pa desaroyo sostenibel ta constitui na un yamada universal pa tuma accion y pone fin na pobresa, protege e planeta y mehora e bidanan y perspectivanan di e personanan na henter e mundo. Esaki ta tumando lugha na diferente lugha rond di mundo, pero en general, e medidanan tin como fin pa logra e obhetivonan pero te ainda no tur pais ta avansa den scala necesario, aña 2020 a marca e inicio di un decada di accion ambicioso pa logra e obhetivonan pa na 2030. Aunke e metanan no ta huridicamente obligatorio pa wordo cumpli, tin paisnan cu a adopta e metanan pa nan mes y a establece un marco nacional pa e logro di e 17 obhetivo, den esaki, paisnan tin e responsabilidad primordial di siguimento y ta haci pruebanan di e progreso cu a wordo cumpli y e metanan pa



aña 2030. Aliansa Mundial di Inversionistanan pa Desaroyo Sostenibel, cu ta un coalicion apoya pa Nacionnan Uni di 30 lider empresarial a wordo presenta na october di aña 2019, t traha pa ofrece un

liderazgo den e mobilisacion di recursonan na fabor di e desaroyo sostenibel y e definicion di incentivo pa haya inversionnan sostenibel na largo plaso.



## Proyecto '25 Hours of Theatre' ta enfoca ariba formacion teatral di hobennan



Ayera tardi durante un conferencia di prensa, Daylan Krozendijk y Ferdinand Franca, dos profesional den e tereno di teatro, conhuntamente cu Jeugdtheaterschool Dra-zans di Corsow, a anuncia e proyecto '25 Hours of Theatre'. E proyecto '25 Hours of The-

atre" lo ofrece e hobennan, entre 13 y 18 aña di edad, amante di teatro, e oportunidad pa engrandec nan conocimiento teatral como tambe yuda nan den nan proceso artistico y profesional.

Durante e proyecto aki e participantenan lo tin 25 ora pa traha riba un presentacion di

teatro. E hobennan lo ricibi guia profesional di coach-, maestro- y directornan di teatro, tanto nacional, regional y internacional.

E manera cu e proyecto ta diseña ta cu e participantenan lo wordo parti den diferente grupo y lo haya un tarea specifico pa traha cune.



E intencion tras di esaki ta pa duna e hobennan e oportunidad di bin cu nan mesun creacion, prepara un obra for di cero y traha cu otro hobennan, y siña habilidadnan di bida, manera comunicacion, creatividad, entre otro. Na final nan lo presenta nan producto/ presentacion teatral na publico en general.

E meta di e proyecto '25 Hours of Theatre' ta pa prepara e hobennan den nan formacion teatral y asina continua cu e disciplina aki di arte.

Debi na e exito di '20 Hours of Theatre', cual a tuma lugha aña pasa, tanto Franca y Krozendijk tin e deseo pa continua cu tipo di proyecto- y programanan asina y a traves di esakinan engrandec e arte di teatro na Aruba.

"Nos enfoca ta nos hobennan cu mester sigui mantene e disciplina di teatro bibo pa e siguiente generacion. Nan lo ta nos futuro lidernan cu mester continua cu e bunita forma di arte aki," nan a enfatisa.



## A firma MoU pa evalua posibilidad di explora hidrocarburo den awanan teritorial di Aruba



**Den un conferencia di prensa di ayera minister di Integracion, Labor y Energia Glenbert Croes a informa cu Compania Arubano di Petroleo a firma un MoU cu un compania di petroleo renombra di Merca Armstrong International pa asina colabora den un estudio pa evalua e potencia di hidrocarburo den area maritimo di Aruba.**

Despues di un proposicion cu el a trece dilanti den un consejo di ministernan pa haya aprobacion pa Compania Arubano di Petroleo (CAP) y e compania Armstrong Oil & Gas INC a traves di su subsidiario Armstrong International, 19 di september ultimo a ser firma un Memorandum of Understanding (MoU) entre e dos compania aki pa cuminsa explora e posibilidadnan pa reanuda e perspectiva di explora hidrocarburo (gas of petroleo) den awanan teritorial di Aruba.

E mandatario a informa cu Armstrong ta un compania priva cu ta explora petroleo y gas, el a ser funda na aña 1985 door di William (Bill) Armstrong cu base na Denver, Colorado, nan a traha cu diferente socio como por ehemplo, Exxo, Chevron, Repsol, Eni, Anadarko y Santos.

Hunto cu diferente socio ta e responsabel pa descubrimiento di mas di 2.5 miyon bari petroleo na e campo Pikka situa na Alaska, Merca.

E meta di e MoU ta pa Armstrong International conduci un estudio comprensivo utilizando tur e datonan geologico y geofisico disponibel. E estudio lo inclui un interpretacion di e datonan sismico existente. Basa riba e datonan aki, un modelo geologico lo ser produci y prospectonan di hidrocarburo lo ser identifica.

Despues di e resultadonan decepcionante di e pos exploratorio (Bon Bini-1X) cu a ser bora na 2018, actividad riba tereno di exploracion pa hidrocarburo na Aruba tabata hopi limita. Cu e firmamento di e MoU aki, ta spera cu lo mira e datonan existente cu un bista fresco cu lo por resulta den un perspectiva nobo pa locual ta e potencial di hidrocarburo den Aruba su area maritimo. Segun minister Croes a sigura “nos ta cautelosamente optimista pasobra esaki ta oportunidadnan importante pa explora, pa nos por logra estabilidad energetico, economico y bonansa financiero pa Aruba.”

Minister tambe a splica cu pa e proximo cuatro luna no lo tin boramento na lama, aworaki loke e compania ta bay haci cu tur informacion



cu Repsol a colecta durante nan studio ta propiedad di CAP y nan dos hunto lo sinta pa analisa e datonan ey “pa motibo cu tecnologia ta keda avansa, tecnologia pa descubri e rikesanan den sub-suelo rond tambe ta keda avansa, pero no solamente pa exito sino tambe pa sigura cu cualkier actividad di extraccion, exploracion cu bin tuma lugha di un forma medio ambiental sigur y sano, esey ta fundamental,” minister Croes a sigura.

Den su opinion, e compania aki “ta mirando algo cu otro nan no a mira” y esaki ta bay ta e prome proyecto di e compania aki den region y nan ta confia mirando e exito di e compania aki na otro paisnan como por ehemplo na Mer-

ca, “un dado momento nan lo mira algo cu mas precision y lo duna un miho perspectiva pa logra e descubrimiento substancial pa Aruba.”

Igualmente el a señala cu Armstrong a explora na diferente lugha di Merca, como por ehemplo North Dakota, Louisiana, California, Michigan, Utah, Texas, Wyoming y na Alaska.

Pa loke ta trata “economies of scale” pa energia renovabel e unico manera pa nan por mehora esaki ta pa paisnan transforma nan economia y nan sociedad pa usa energia renovabel segun loke minister Croes a declara, “mescos cu Hydrogen cu ta bay wordo produci, pero tambe e mester wordo consumi y mester wordo usa, nos como

sociedad mester ta prepara pa tuma e hydrogen ey den nos auto, productonan cu ta produci cu hydrogen cu ta un diferente componente cu mester wordo gevuld door di energia berde, solar, di biento, kiermen pa nos mehora economies of scale y ta bay ta e challenge di e proximo decadanan pa mundo, ta transforma nos economia den hydrogen economies, den renewable economies y esey ta bay ta fundamental,” minister Croes a sigura.

Transicion pa energia renovabel a cuminsa pero tanten cu energia renovabel no por suministra 100% di e demanda, fossil fuels ta keda indispensable, e mandatario a sigura cu nan ta invertiendo den energia renovabel conhuntamente cu otro proyectonan manera Eagle LNG y Acciona Energia, ademas inversion den expansion di parke di molina di biento tambe ta den e proyecto aki igualmente cu mas parke solar segun el a sigura.

Pa loke ta trata independencia di energia, minister Croes a muestra den un sheet cu prijsnan di combustibel ta fluctua y for di 2020 a subi drasticamente, ambiente geopolitico a crea un falta substancial den inversion pa energia, especificamente exploracion di hidrocarburo, e consecuencia ta cu siguridad di energia mundialmente core riesgo y pa e motibo ey ta importante pa Aruba busca independencia di energia.





## Actualisacion ariba status di negociacion cu Hulanda

# Prome Minister: “Unico manera cu por sali di e situacion ta pa traha ariba otro rijkswet, pa Hulanda e ta keda importante”



**Ayera durante conferencia di prensa di Gobierno di Aruba, Prome Minister, Evelyn Wever-Croes, a duna actualisacion ariba e status di negociacionnan cu Hulanda pa loke ta trata e Ley di Reino di Supervision Financiero (RAft) y e debe di COVID-19 cu ta vence dia 10 di october, y a elabora ariba e proposicionnan cu Gobierno di Aruba a manda pa Hulanda pa trece un solucion na e situacion.**

Prome Minister a splica cu siman pasa dialuna durante otro conferencia di prensa el a duna un relato extenso tocante con e negociacionnan a bay riba e tema. A bay back na añu 2020 ora cu e pandemia di COVID-19 a cuminsa y e necesidad pa a yega na palabracionnan cu Hulanda.

El a remarca cu desde juni di 2022 Gobierno di Aruba a cuminsa papia cu Hulanda pa wak con ta haci pa paga back e debe aki y cu a haci diferente proposicion, tanto riba nivel aambtelijk como riba nivel di gobierno, bestuurlijk.

Prome Minister a splica cu e prome carta cu gobierno a manda tabata data 7 di februari 2023 y tabata dirigi na Secretario di Estado, Alexandra van Huffelen, cual ta bisa cu ya caba desde juni 2022 Gobierno di Aruba a haci dos proposicion na Hulanda pa sali for di e debe. E motibo pakico a cuminsa

cu e palabracionnan den luna di juni 2022, el a indica, ta pasobra ya caba na mei 2022 Parlamento di Aruba den su totalidad a expresa cu nan no ta di acuerdo cu e RAft na e manera cu e tabata na e momentonan ey.

“Tur fraccion den Parlamento di Aruba tabata critico, tur a pidi pa cambia cierto cosnan, algun a manda 30 pagina di cambio, otro a manda un pagina di cambio, pero tur a pidi pa cambio. Na e momento ey nos a saca afo tambe cu e mayoria den parlamento no ta sostene e idea di un rijkswet, otro nan si tabata sostene un rijkswet cu cambio, pero no e partidonan mas grandi y consecuentemente no tabatin sosten pa un rijkswet,” el a indica.

Pa e motibo aki, el a agrega, den e carta di dia 7 di februari nan a propone pa bay na un onderlinge regeling, en bes di un rijkswet, cual tabata e caso tambe cu COHO, pero e proposicion aki Hulanda a rechasa.

El a sigui splica cu den e mesun reunion di juni 2022, y Gobierno di Aruba a ripiti esaki den e carta di 7 di februari tambe, nan a propone e di dos oferta cual tabata pa laga e LAft manera cu e ta, pero ta agrega algun clausula adicional cu ta laga Hulanda sinti mas confortabel pasobra, segun Prome Minister ta señala, Hulanda ta buscando comfort pasobra nan no kier

pa Aruba unilateralmente cambia e ley di LAft.

Den e mesun carta, el a indica, nan a propone pa pone mas clausula den e ley cu ta stroba un gobierno y parlamento cambia e ley aki sin mas, pero ambos peticion a wordo rechasa door di Hulanda.

E siguiente oferta, Prome Minister a sigui splica, nan a manda den un carta di dia 17 di juli den cual nan ta referi back na un reunion cu a tuma luga na Aruba dia 4 di juli 2023 cu Secretario di Estado van Huffelen, den cual a participa, apart di Minister di Finanzas, e vice Prome Minister Ursell Arends y Minister

di Asuntonan Economico, Geoffrey Wever.

Den e carta aki Gobierno di Aruba a pone riba papel kico ta e proposicion cu a haci dia 4 di juli den e reunionan. E proposicion ta, si Hulanda su preocupacion ta cu Aruba por cambia unilateralmente e ley, pa fia e placa na e interes abao y si den futuro un gobierno y un parlamento dicidi cu nan ta bay cambia esaki, ta hisa e interes automaticamente y bay na un interes halto.

“Nos a elabora ariba esaki pues pa ankra esaki den e leningsvoorwaarden y cu nan ta conta mientras cu tin e debe. Den e reunion esey a wordo rechasa pero asina mes nos a haya importante pa toch elabora mas extensamente riba dje, pero despues a haya contesta cu e ta wordo rechasa di dos biaha,” el a remarca.

Den un tercer carta, data 31 di augustus 2023, a presenta un opcion nobo, e ‘hoofdlijnen akkoord’. Den e carta aki, Prome Minister a agrega, a muestra tambe cu ya caba dia 29, 30 y 31 di augustus tabatin combersacion cu a tuma luga riba e proposicion aki cu a wordo rechasa riba nivel aambtelijk, pero despues den un carta di 6 di september, Secretario di Estado van Huffelen a indica cu e ta dispuesto pa papia ariba e opcion aki den cual Gobierno di Aruba a presenta un solucion hibrido y aworaki e negociacionnan ta na e punto aki Prome Minister a informa tambe cu siman pasa na New

York el a reuni extensamente cu Secretario di Estado, Alexandra van Huffelen y despues cu Premier Rutte hunto cu e Secretario di Estado.

El a splica cu e kier a comprende for di ambos dicon nan tin asina tanto problema cu e supervision mester wordo regla den un rijkswet. Segun el a indica, Secretario di Estado van Huffelen y Premier Rutte a splica cu nan kier evita cu despues di e Gabinete Wever-Croes “bin un gobierno irresponsabel atrobe y negligish tur norma y palabracion y cu e pueblo di Aruba ta hay’e un biaha mas ta carga pa e debenan di un gobierno irresponsabel.”

Prome Minister a splica cu el a informa na van Huffelen y Rutte cu Parlamento di Aruba a pasa un mocion pa elimina e RAft, pasobra e ta basa riba un consensus y si no tin consensus, no tin rijkswet. “Unico manera cu por sali di e situacion ta pa traha ariba otro rijkswet, pa Hulanda e ta keda importante,” el a subraya.

Por ultimo el a indica cu a splica Hulanda ariba e intencion cu tin cu e propuesta hibrido y lo reuni ariba esaki. El a remarca cu si yega na un acuerdo prome cu fin di aña, Hulanda ta dispuesto pa presta e interes na 5.1% y si esaki no ta e caso, e ta bira entre 6% y 8% y segun calculacionnan pa Aruba esaki lo ta mas cerca di e 6% cu e lo ta di e 8%.





## Editor

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

## Operations Manager

Mariette Engelhart

## Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

## Ehecutivo di Benta

sulaika.croes@cspnv.com

Sulaika Croes

## Aviso y Arte

Sandra Loefstop

Lisa Tromp

## Departamento Digital

Juan Luis Pinto

## Administracion

accounting@bondia.com

Martha Arteta de Ariza

## Distribucion

Jenny Kelly

## Coleccion

Evelinda de Cuba - Tromp

## Pre Press

Luis Fernando Arenas (Hefe)  
Pablo Libre

## Press

Roland Schenker (Hefe)  
Omar Ramirez  
Martin Boekhoudt  
Francis Dirksz

## Colaboracion

Associated Press  
Ret Karibense

Data Key

## Afiliacion

Sociedad Interamerica  
di Prensa (SIP)

## DIRECCION

Adres: Weststraat #22  
Tel: 582-7800

Email: noticia@bondia.com  
aviso@bondia.com  
info@bondia.com

Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



# Editorial

## Aruba conoce...

*'Economies of scale'...?*

Aruba su tamaño ta un factor limitante pa 'economies of scale'. Normalmente esey ta parce nos logico ora bo ta un territorio di apenas algo mas di 100.00 habitante y 180 km cuadra. Sin embargo esnan cu no lo ta mucho di acuerdo cu e ponencia aki lo muestra riba pasado unda Aruba tabata un centro importante di refinacion di producto petrolero, cu tabatin un impacto hopi grandi den desaroyo economico di e isla. Esey ta berdad pero no automaticamente ta proba cu repiticion ta posible, al contrario, nos lo bisa.

Laga nos cuminsa primeramente cu bisa kico nos ta comprende bao di 'economies of scale'. E termino ta referi na e situacion unda un empresa ta obtene bentaha comparativo ora nan ta aumenta produccion y por reduci prijs pa cada unidad pasobra cierto costo di operacion por ser cubri pa mas producto. Mas grandi e produccion, mas efecto positivo riba prijs di producto y mas efecto positivo tambe riba posicion competitivo di e empresa.

E desaroyo industrial petrolero cu cerca nos a cuminsa casi 100 aña pasa tabata debi na e situacion unda cierto consideracion geopolitico a hunga un papel importante, pasobra e companianan Europeo y Meicano cu tabata explota e petroleo Venezolano, no tabata haya prudente, mirando e clima politico instabil na e pais ey, a busca nan refugio den territorio Hulandes loke a garantiza nan e seguridad huridico cu nan tabata desea. Esaki den e fase ey di desaroyo di e sector petrolero a duna e base pa creacion di un industria petroleo na e islanan di un tamaño cu te awe lo ta categoriza nan como refineria grandi.

Sin embargo, esey no a keda asina. Desaroyo di refinieradenepaisnanrecipienteydescubrimiento di petroleo na hopi diferente pais a amplia oferta di crudo y producto refina enormemente. Esey finalmente a crea un situacion practicamente insuperable pa tur e refinieranan grandi orienta riba exportacion den nos region, cu no tabatin un base interno di crudo propio. Casi 100 aña despues, nos ta den un situacion hopi diferente, unda produccion industrial a bira algo di amplio aplicacion di 'economies of scale', sigur tur loke tin di haci cu industria quimico, por ehemplo den produccion di e producto basico pa elaboracion di diferente tipo di plastic, etc. Industria petrolero mes a concentra hopi mas, sea cerca di e fuente o cerca di e mercadonan grandi. Otro motibo pa no establece mas na un isla cu no ta cay den ningun categoria favorable.

Nos ta na 2023 y ta tumando nota di e intentonan gubernamental pa contempla e posibilidadnan di crea un compleho industrial cu ta requeri un

plan empresarial cu ta bay trece sigur e pregunta con ta logra e volumen adecua pa por ta competitivo, entre otro interrogante cu por tin. E idea pa trece hunto tanto hidrogeno y gas natural ta duna riba papel e posibilidad pa produci por ehemplo amonia. Esaki na su turno por usa pa produci un cantidad di producto, entre otro fertilizante pa agricultura. Si nos ta comprende e plannan anuncia di gobierno, lo ta pensando den e direccion aki, contando cu gas natural di Eagle LNG y hidrogeno produci localmente cu energia renovable di e partner Spaño Acciona Energia. Esey ta muestra bon, riba papel, pero ban papia 'economies of scale' awor. Si bo tin bon uso pa gas natural, mas grandi bo volumen ta, mas favorable e prijs por ta. Bo ta keda depende di demanda fuerte mundial y ademas lo mester paga pa e transporte y almacenamiento di e gas aki. Esey por ta un desbentaha grandi compara cu productornan grandi cu tin acceso mas facil y mas barata na gas natural.

Awor e hidrogeno. E idea lo ta pa produci hidrogeno 'berde' loke ta implica di por dispone di cantidad grandi di electricidad pa por produci hidrogeno berde. Kico ta 'cantidad grandi' na nos nivel? Si nos produci doble e cantidad actual di electricidad, nos ta papiando di un poco mas di 100 MW extra riba un dia normal. Si nos por logra esey, pakico nos ta bay produci hidrogeno si nos por suministra suficiente electricidad na WEB pa por cubri gran parti di nos uso di coriente, y mantene un capacidad di reserva den HFO o preferiblemente gas natural, como backup. En todo caso, ni cu nos yena Aruba cu molino y panel solar, nos no por yega cerca di e nivel industrial cu lo bay tin den nos region. Den un analisis publica dia 23 di maart 2023 e medio aki a resumi e proyectonan di produccion di hidrogeno den nos region y a yega na e conclusion cu por ehemplo Colombia ta planificando un produccion di hidrogeno cu ta abarca uso di entre 1 y 3 GW (GigaWatt= mil MW). Un produccion anto di entre diez pa trinta biaha mas grandi cu Aruba quizas por... Esey yama 'economies of scale'.

Cu e tipo di proyecto aki andando den nos region, unda pa motibo di ta liga na presencia di petroleo y gas natural na Colombia e pais aki, cu no ta e unico, ya ta programando actividad den produci y usa hidrogeno na un magnitud cu Aruba nunca lo logra. Nos ta tende e 'sabionan' den gobierno argumenta caba cu "ta pesey ta bay importa gas natural na gran cantidad". Lamentablemente esey ainda no ta duna bo e bentaha di volumen pasobra transporte ta keda duna costo extra cu ta un desbentaha grandi. Ademas, e soño di 'energia berde' a disparce, manera gas...

## Prome Minister Evelyn Wever-Croes: Durante UNGA78, Premiernan di Reino a reuni cu secretario general di Nacionnan Uni, Sr. Antonio Guterres

Un siman hopi fructifero ta tras di lomba na unda cu na New York a tuma luga e reunionnan di Asamblea General di Nacionnan Uni #UNGA78. Diferente Lider di diferente pais a reuni pa entre otro hunto mira con pa mehora nos mundo. E Metanan di Desarrollo Sostenibel, (SDG's) tawata punto central rond di cua e diferente reunionnan a tuma luga.



Prome Minister Evelyn Wever-Croes durante Conferencia di Prensa di Gobierno di Aruba dialuna mainta, a elabora mas di su participacion durante e 3 dianan na Nacionnan Uni na unda el a atende 28 diferente conferencia bilateral, high level events, y reunionnan riba diferente topico, manera derecho humano y topiconan pa empodera hende muhe, adaptacion di clima y infraestructura,

energia y pobresa.

Tambe Prome Minister hunto cu Premier di Hulanda Mark Rutte y Premier di Sint Maarten Silveira Jacobs, a reuni cu Secretario General di Nacionnan Uni, señor Antonio Guterres. Prome Minister a remarca cu ainda durante e reunion aki, Aruba ta hayando hopi elogio pa a guia e Conferencia di Awa cu a tuma luga na Aruba na

luna di maart ultimo. Esaki tawata un evento cu Hulanda a organisa y Aruba tawata e anfitrión y Prome Minister tawata tin e honor pa lidera esaki.

Di parti di Aruba, durante e reunion cu señor Guterres, Prome Minister a elabora riba e necesidadnan cu, como isla chikito, Aruba tin. Paisnan SIDS, Small Islands Development States, tin varios



necesidad compara cu paisnan grandi. Prome Minister a pidi atencion pa e debenan grandi debi na e pandemia Covid cu nos paisnan SIDS tin, incluyendo Aruba.

Secretario General di Nacionnan Uni ta un promotor di e Proyecto Swap Debt To Grant. Esaki ta encera cu paisnan cu tin debenan di pandemia, haya un tipo di dispensacion y por uza e placa pa inverti pa haci e pais mas resiliente. Esaki, Prome Minister a enfatisa, ta un proyecto cu Gobierno di Aruba sem-

per ta sostene. Prome Minister a haci peticion pa sigui pone atencion y enfasis riba esaki.

Secretario General Guterres a informa e Premiernan di Reino cu recientemente, Portugal a implementa esaki na Cabo Verde y esaki e Prome Minister di Cabo Verde a remarca tambe den un otro encuentro. Prome Minister, den nomber di Gobierno di Aruba, Hunto cu Nacionnan Uni a compromete pa sigui traha riba esaki pa Aruba tambe.

### Minister Dangui Oduber:

## Augustus ta registra un crecimiento di 107% den comparacion cu año 2019

Minister di Turismo y Salud Publico sr. Dangui Oduber ta informa comunidad cu e resultadonan di turismo pa luna di augustus 2023 a dreña. A ser demostra un biaha mas den luna augustus 2023 cu e cifranan a surpasa e nivelnan di mesun luna di año 2019.

Den luna di augustus Aruba a ricibi 106,185 turista via nos aeropuerto. Un cresemento di 10.5% den comparacion cu luna di augustus 2019. Esaki ta un recuperacion di 107% den comparacion cu augustus di 2019 cu Aruba a ricibi 96,100 bishitante.

Locual a resalta den e rapor-

tahe tambe ta e recuperacion di nos mercado mas importante cu ta Estados Unidos cu a registra un cresemento di 13.4% por ciento compara cu augustus di año 2019. Turismo ta sigui crece y sigui surpasa nivelnan di año 2019 cual sigur ta excepcional. Esaki bo ta wak e tambe den e grado di ocupacion na e

hotelnan. E ta reflega den cifranan di Average Daily Rate y tambe e RevPAR. Tambe den e Tourism Credit di Banco Central cu ta muestra cu e turista ta lagando mas placa atras den nos economia.

Aruba su turismo te cu awor tur luna a registra un recuperacion di riba 100% por ciento compara cu 2019. Tur indicador ta muestra cu na final di año 2023 Aruba ta bay tin un año record den turismo. Aerolineanan tin confiansa den Aruba y esaki bo ta mir'e den e diferente rutan nobo cu nos tin na diferente pais. Linea crucero nan tambe ta

demostra confiansa den Aruba, ta premira cosnan grandi pa Aruba su turismo crucero den año 2024. Tin hopi calls confirma y ta bay tin linea crucero nobo cu lo bin Aruba pa prome biaha.

Minister Oduber ta gradici tur e partner nan den turismo cu cu ta haci cu awe Aruba ta superando tur expectativa den su recuperacion. Danki na e pueblo cu a demostra di ta uno resiliente, ban sigui demostra nos cordialidad y duna e hospitalidad na nos bishitantenan cu nos ta conoci pe. Turismo ta keda e driver principal di nos economia.







**PLAN NACIONAL DI MANTENCION  
TA SIGUI**

**Pa seguridad y continuidad di distribucion di coriente pa tur sector.**

Ta evita interrupcion di coriente mientras cu e trabounan ta tumando lugar, si en caso ta necesario, lo avisa cu anticipacion.



**ELMAR**

*Redefiniendo Energia*

*HOH tambe presente na Expo Salud 2023:*

## Profesionalnan di Hospital a demostra cu nan semper t'ey!

**Durante fin di siman a tuma luga Expo Salud 2023 unda cu diferente profesional den e mundo di cuido a cera cabes pa hunto duna comunidad di Aruba informacion tocante varios topico interesante y esencial pa cuido di salud. Claro cu e team di Horacio Oduber Hospital (HOH) tambe tabat'ey pa forma parti di e tremendo organizacion di e expo salud 2023.**

Como un di e stakeholders di mas grandi y importante den e area di cuido medico na Aruba, sr. Gregory Croeze, miembro di hunta di directiva di HOH, a expresa cu "Hospital semper t'ey pa comunidad y pues awe ta akinan pa duna informacion na tur cu bishita expo salud. HOH su team di camber di operacion tabata presente pa splica e bishitantenan kico ta importante pa nan sa na mo-

mento cu nan tin cu bay haci un operacion. Tambe tabat'ey presente e team di Bloedbank pa recluta mas donante y e team di LABHOH cu a duna informacion riba tur e tipo di testnan cu ta haci." Sr. Croeze a expresa di ta hopi contento cu e tipo di actividadnan asina pasobra e ta un manera di trece tur e stakeholders hunto pa un solo meta. Croeze a expresa palabra di gratitud na e team completo cu di HOH cu a duna informacion na expo salud. "Y kier corda tur hende cu nos semper t'ey pa duna informacion y educa e pashentnan y comunidad riba kico tur por spera na HOH pero tambe e servicionan cu ta ofrece," Croeze a termina.

Josephine Willems, Medewerker Bloedbank, a comenta cu e meta di Bloedbank na expo salud ta pa haya mas donante. "Tene na cuenta cu un donacion por salba tres bida, Willems a enfatisa.



Nos falta hopi mas donante di sanger pa por cubri nos isla y e cantidad di habitante cu tin na Aruba", Willems a conta. Un gesto bunita cu no ta costa nada y ta pa salba bida di un otro. Pues, subi [www.bloedbankaruba.aw](http://www.bloedbankaruba.aw) y registra di biah pa bo tambe bira donante di sanger.

Zoyenka Figaroa, Analist na LABHOH, a splica cu "LAB-

HOH a informa tur bishitante tocante e testnan cu ta haci na laboratorio, pero specialmente e parti di patologia. Y tur cu a pasa cerca nos a haya e oportunidad pa mira muestra di un paptest bou di e microscop, por ehempel por mira con e celnan ta musta". Tambe di biah a conta bishitantenan cu si no por yega LABHOH por haci uzo di e servicio di prik na cas tambe y

tur informacion aki por haya riba [www.labhoh.org](http://www.labhoh.org).

Camber di Operacion tambe tabat'ey presente unda a duna informacion di loke bo tin cu haci prome cu bo opera, pues pakico bo tin cu ta na yuna y mucho mas. A trece diferente instrumento di camber di operacion y a tambe nos profesionalnan a duna demostracion con ta intuba un pashent. Hopi pregunta a ser haci cu e meta principal pa purba di kita e miedo cu por tin y alabes garantisa cu e operacion lo cana bon," Nina Brito-Kelly cu ta assistent manager di camber di operacion a termina bisando.

Hospital ta contento di a forma parti di e Expo Salud 2023 cu tabata un exito sigur y kier manda palabra di pabien pa henter e team cu a traha duro pa haci esaki posibel.

## Siman mundial di curason, un siman pa trece cambio

**Den e dianan nos dilanti entre 23 di september y 30 di september automobilistanan por tuma nota di luznan color cora riba e monumento di Bestuurskantoor, na rotonde dilanti di WEB y tambe na e toren di Aeropuerto Internacional Reina Beatrix. E luznan cora aki ta den conexion cu e siman mundial di curason. E meta di e luznan cora ta pa yama atencion di tur hende riba malesanan di curason cu por perhudica nos salud.**

Combati e malesanan cardiovascular sigur ta importante pa cada curason cu ta bati. Conscientisacion ta un parti hopi importante den cuadro di e plan nacional di prevencion di malesanan NCD's. Un di e causanan cu mas ta afecta nos curason ta presion halto, esaki por wordo



combati door di hiba un bida mas saludabel. Presion halto ta afecta mas cu 30% di adultonan rond mundo, cu ta encera mas cu 1 biyon persona. E ta e factor di riesgo principal di malesa di curason (cardiovascular, specialmente malesa coronario y stroke (ataque cerebral), pero tambe malesa di riñon cronico, problema di curason, aritmia y demencia. Esaki ta e motibo cu Minister Dangui ta urgí comunidad pa sigui haci

nan testnan di presion, haci bo chequeo mediconan regularmente pa preveni cualkier tipo di malesa. Ministerio di Salud Publico su maneho ta basa riba prevencion. E siman aki ta pa refleha y pa promove un cambio den nos estilo di bida, pa hiba un bida mas saludabel y mas activo. Esaki por preveni malesanan cardiovascular, ataca di curason of stroke.





## Incidente na scol bao investigacion di polis

(CuraçaoChronicle) - Durante fin di siman pasa, e comunidad a tuma nota di varios video viral unda por a mira dos estudiante ta pleita riba caya. Despues, un di e mayornan di e estudiante a drenta e pelea.

Diabierna atardi, un di e hobennan involucra den e pelea a reporta na polis stacion cu su mayor pa asina entrega un keho. Polis a cuminsa un investigacion den e caso aki,



reunion evidencia y tumando testimonio di e testigonan

presente. Mester nota cu e incidente recién aki ta solamente uno di e varios instantan unda a mira pelea pasa sea na scolnan of den areanan publico involucrando studentenan di varios scol.

Mirando e moda den aumento di pelea entre studentenan tanto na scol como riba caya, a bira esencial pa enfatisa cu violencia y peleanan ta ofensanan castigabel y un detencion por surgi a causa di esaki.

Despues di e incidente aki a haci un apelacion na e comunidad pa yuda conscientisa e hobennan tocante e importancia di mantene un bon comportamiento pa bienestar di nan personal y di nan carera den futuro. Mester kita e motivacion di e tipo di accionnan aki y evita di promove nan pa medio di graba of share e tipo di videonan/imagennan cu no ta sirbi ningun proposito positivo

## Ministerio di Husticia ta sigui proceso legal pa menornan cu a yega via boto



(CuraçaoChronicle) - Recientemente, manera varios medio a reporta caba, a observa cu den oranan

trempan diaranson, 19 individuo a yega Corsou ilegalmente via boto na Piscadera Bay.

Entre e 19 individuonan aki tabatin 7 adulto masculino, 7 adulto femenino y 5 menor di edad. Pa haya un solucion temporario pa e menornan, e Ministerio di Husticia a instrui e agencianan relevante pa sigui cu e proceso legal y acomoda e menornan, tumando na cuenta e reglanan di International Convention on Rights of the Child (CRC).

E individuonan indocumenta a ser intercepta via boto

durante e oranan trempan di mainta diahuebs ultimo. Despues cu e boto a yega costa di Corsou, algun individuo indocumenta cu ya caba tabata riba e isla a reporta na e Departamento di Inmigracion, indicando cu nan tabata e guardiannan legal di e muchanan cu a yega via boto. E individuonan aki a keda deteni bao sospecha di trafico humano. Mirando cu e ocupantenan di e boto tabata indocumenta y compana pa 5 menor, e investigacion di trafico humano a keda inicia. Pa loke ta trata e bienestar di e muchanan, siguiendo Ministerio di Husticia su

procedura, nan a ser poni den cuido di un institucion confia y sigur pa muchanan mientras ta warda pa e resultado di e investigacion. Informacion tocante nan localidad no por ser revela pa proteha e muchanan su seguridad.

E investigacion di trafico humano ta bao investigacion y ta responsabilidad di Ministerio Publico (OM), y e pasonan necesario lo ser tuma basa riba e resultadonan. E Ministerio di Husticia lo sigui haci tur esfuerzo pa proteha derechonan humano y derechonan di muchanan.

## Reglamento di proceso nobo pa casonan civil: Corte ta introduci areglo di “small claims”

Dia prome di october 2023 e reglamento di proceso nobo pa casonan civil ta drenta na vigor. E reglamento uniforme aki ta aplicabel pa proceduran-

an di derecho civil cerca e cuater Cortenan di Prome Instancia (Aruba, Corsou, BES y Sint Maarten) y cerca Corte di Apelacion.

Den e reglamento aki a inclui un areglo special pa e asina yama “small claims”. Cu esey a codifica un procedura rapido, simpel y barata pa demandanan di placa te cu un maximo di f 10.000 (\$ 5,587) den e marco di e legislacion existente. Cu e areglo aki, ciudadanonan lo tin acceso mas facil na husticia.

E procedura ta cuminsa cu un peticion cu e demandante ta entrega na griffie di Corte, conforme e formulario modelo “peticion pa small claim” cu Corte a pone na disposicion riba su website. Na e momento ey, e demandante ta paga griffierechten di f 50 (\$ 28). Demandantenan cu ta actua den capacidad di un profesional of empresa ta paga dobel e montante aki. No ta rekeri stampia pa e procedura aki. Manera ta conta pa tur proceduranan cerca Cortenan di Prome Instancia y Corte di Apelacion, ciudadanonan (personanan



y empresanan) mes por procede nan mes y no ta obligatorio haci uso di un abogado.

Despues cu e peticion a ser entrega, hues ta determina un fecha pa trata e caso, y griffie di Corte ta invita e parti demanda via carta of correo electronico. No tin gasto mara na esey pa e partidonan envolvi. E parti demanda por entrega un defensa por escrito prome cu e sesion tuma lugar, pero e no ta obliga di haci. Durante e sesion di small claim, hues ta discuti e caso cu e partidonan, y ta determina si tin posibilidad di yega na un acuerdo amistoso of si por

dicidi mesora. Si e caso ta demasiado complica pa por haci esey, hues ta transferi e caso na un sesion normal. E transferencia aki tampoco tin gasto mara na dje pa e partidonan.

Tin mas cambio cu a ser haci na e reglamento di proceso cu e meta di mehora y accelera e proceso civil. E reglamento di proceso nobo y e formulario modelo “peticion small claim” a ser publica riba e website di Corte Comun ([www.gemhofvanjustitie.org/nieuws/publicaties](http://www.gemhofvanjustitie.org/nieuws/publicaties)).

### Acquavera Bottling and Services

#### We are looking for:

- **Blowmold machine operator**
- **Cleaner**
- **Machine operator**

**For more information  
call: 731-3930 / 737-3930**



**AWAWE**

**MINI MEGA**

**MEGA PLUS**

Awo cu 2 florin mas, bo por gana e

**\* Afl. 390.000,-**

**\* Afl. 290.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

**MEGA PLUS**



**HUNGA AWO**

**LOTO**

## Hende muhe enfrentando huicio pa venenamento di pareha na 2020 a ser descubri morto na Tilburg

(NLTimes)—Un muhe descubri morto dialuna dentro di un cas na Tilburg a ser identifica como e sospechoso Yvon K. ta sospecha e muhe di venenamento di su pareha y tabata den proceso pa e morto di e homber. Tabata espera un veredicto di e Corte di Distrito na Breda diaranson, pero e situacion a bira incierto pa motibo cu ley Hulandes ta preveni cu un sospechoso recién fayecido ta wordo procesa.

E causa di K. su morto ainda ta bao investigacion, pero OM a bisa cu a descubri un nota di suicidio den e cas na Tilburg. E abogado di K., Esther Vroegh, tambe a confirma e morto di su cliente e mesun dia. Servicio di emergencia a responde dialuna mainta y a forsa e porta habri pa asina por drenta rond di

10:18 di mainta. Eynan nan a descubri e curpa di K.

Grinwis, e victima den e caso, a muri dia 8 di december 2020. El a muri den su cas na Dorpsstraat na Halsteren, Noord-Brabant. A descubri un dosis halto di droga suicidio den su sanger, un caso di venenamento, segun e fiscal a alega den e caso contra K.

E mesun droga cu a mata Grinwis a ser descubri den e cas di K. segun OM, e substancia a ser descubri den un glas di biña y den e resto di un yogurt. Ademas, a descubri substancianan den e curpa di e victima cu e sospechoso a busca riba su Ipad prome cu e victima a muri, segun OM.

K. tabata un consehero pa un asociacion Hulandes promoviendo fin di bida boluntario. El a cuminsa un relacion cu Grinwis na mei 2020.



Dos luna prome cu su morto Grinwis a laga tur cos di dje pa su pareha. K. a ser deteni na october 2021 y a pasa 11 luna den detencion prehuicio. Ta sospecha cu e motibo pa e asesinato tabata financiero. A descubri 227.000

euro den cash den un safe cu K. a rent, y Grinwis a paga pa e renobacion di su cas, y a dun'e un auto di 50.000 euro.

Na comienso di e luna aki, OM a bisa den corte cu K. mester haya convicto di ases-

inato y sentencia pa 19 año den prizon. E corte di Breda a anuncia cu un huicio den e caso ainda mester tuma luga, pero e hues involvi den e caso lo splica kico esaki lo encera diaranson.

## KLM: Pilotonan a cancela protest di dialuna despues cu discusion di contrato ta progresa



(NLTimes)—Pilotonan di KLM a cancela un protesta cu tabata plania pa dialuna mainta despues cu e aerolinea a yega na un acuerdo riba varios asunto cu e sindicato di e pilotonan, VNV. E dos banda lo sigui desaroya e framework cu nan a crea durante discusionnan diasabra pa asina forma un acuerdo colectivo nobo.

E pilotonan di e sindicato mester a protesta 11or di

mainta ayera na Hulanda. E protesta simbolico mester a dura 60 minuut, y lo mester a afecta entre 10 pa 20 vuelo saliendo for di Amsterdam.

KLM a bisa den un declaracion diadomingo cu “a yega na acuerdonan adicional tocante aumento den salario pa e pilotonan.” E pilotonan tabata preocupa tocante varios punto, incluyendo salario. KLM a ofrece un aumento di 5% año pasa, mientras cu e pilotonan tabata kier 6% of

mas.

“En principio e acuerdo ta segura cu pilotonan por sigui haci nan trabao den un manera safe y responsabel y cu nos condicion di empleo ta keda na e mesun nivel cu e pilotonan rond di nos. Esaki kiernen cu a yega na un acuerdo pa un aumento averahe di 5.5% den salario pa año pa compensa pa e retraso di e acuerdo colectivo, cual a caba na maart 2023,” VNV a bisa.

E dos banda tambe a yega na un acuerdo pa miho planificacion pa asina permiti piloto pa maneha nan tempo liber

mas miho, y haci un miho trabao pa inclui pilotonan den decisionnan tocante seguridad di biahe.

**25HOT**

25 HOURS OF THEATRE

**ARUBA**

**1 -2 -3 action!**

Edad: 13 te cu 18 año

Lugar: Centro Hubenil Washington, Noord

**1 october pa 6 october**

8 AM - 1 PM

**Performance**

6 october 7PM



**HOBENNAN LO TIN 25 ORA PA TRAHA UN PRESENTACION DI TEATRO CU GUIA DI PROFESIONALNAN NACIONAL Y REGIONAL!**

**PA MAS INFORMACION Y/OF INSCRIPCION:**

T 563 0298 | 730 9696 E info25hot@gmail.com



## Brazil ta e ruta nobo pa narcotrafico cu ta yega for di Europa a traves di Africa

(Infobae) - Un confiscacion record a tuma lugha siman pasa na Pernambuco, unda a logra haya 3.6 ton di cocaina -esun di mas grandi den historia di e pais aki den awanan internacional- segun loke rapportnan antidroga di polis Europeo a confirma y a bin denunciando den ultimo lunanan. E pais aki a bira e waf principal pa salida di cocaina pa Africa, na unda despues ta yega na diferente lugha di Europa.

E confiscacion aki tabata na lama na 33 kilometer di e cap-

ital di estado Recife. E boto di piscamento Palmares 1 cu un tripulacion di cinco persona, mester a yega na costanan di Africa. Nan a sali for di waf di Itajaí, na estado di Santa Catarina, sur di e pais, na unda recientemente otro botonan a sali carga cu cocaina y a ser intercepta na Africa y Spaña, loke ta demostra con e narcotraficantenan Brasileño cada biaha ta cambia nan waf pa sali.

Loke ta hala atencion ta e noticia cu segun el Rapport Anual di Droga di Ministerio di Interior Italiano ta indica cu mandamento di cocaina for



di Brazil a traves di Africa entre 2015 y 2021 tabata di 70%,

despues Ecuador cu 14% y Colombia 11%. Na e wafnan

principal di e pais a confisca 66,9 ton di cocaina durante 2019, compara cu 33 ton di aña anterior, loke ta indica con e mercado ta.

Eleccion di Africa no ta casual, narcotraficantenan Brasileño, den particular e grupo criminal Primer Comando de Capital (PCC) a cuminsa utiliza e continente aki pa e facilidad di movimiento, danki na un red di apoyo local alimenta pa corrupcion y apoyo di mafia Italiano, specialmente 'ndrangheta calabresa' presente den tur e continente africano.

## Guatemala: Riu a desborda y a laga atras por lo menos 18 persona desaparecido

(NTN24) - Autoridadnan di Guatemala ta buscando por lo menos 18 persona, entre nan 10 mucha, cu ta desaparecido debi cu riu a desborda despues di awaseronan fuerte na ciudad di Guatemala, capital di e pais.

Di acuerdo cu rapport oficial, teranan a los y riunan a inunda e poblacion Dios es Fiel, ubica na e parti abou y cerca di e brug El Naranjo.

E sector aki ta un di tanto poblacion ubica rond di baranca di Ciudad di Guatemala na unda e riu di e area aki a lastra casnan rond di dje.

"Nos ta lamenta di informa cu un mucha a ser localisa



varios kilometernan mas abao di e riu, na hurisdiccion di Chinautla. E hecho a tuma lugha 2or di marduga y for di e ora ey PNC ta mantene su personal den area," Polis Nacional Civil di Guatemala a informa riba su rednan social.

Di otro banda, Coordinador pa Reduccion di Desaster (Conred) a señala cu te ayera tabatin "18 persona desaparecido y seis vivienda cu dañonan severo."

Segun a bira conoci, un gran

parti di e viviendanan di e capital di e pais su awa di riool ta bay na e riu cu a desborda, na unda hopi habitante cu poco recursonan ta lanta nan cas informal.

Rapport di autoridadnan ta

señala cu e incidente a registra den oranan di marduga di ayera dialuna ora e awaseronan fuerte di dia anterior a provoca cu e riu a inunda e area. E coriente di awa, cu a lastra piedranan, tera y desperdicio a afecta seis cas di e zona, construi den nan mayoria cu zink.

"Memey di e situacion cu ta bibando na e momentonan aki na e poblacion Dios es Fiel, zona 7, bisiñanan ora a mita e trabou di PNC, Bombero Municipal y Bombero Boluntario, como muestra di solidaridad a acerca cu cuminda, despues nan a continua cu e buskeda y localisacion." PNC a skirbi den red social "X."

## Mas di 34.000 Ecuatoriano a drenta Honduras di forma iregular



(Infobae) - Ecuatorianonan ta e di tres grupo di migrante cu a drenta iregularmente na Honduras unda 34.095 ciudadano

di e pais aki a uni na mas di 308.000 biahero cu a drenta na e pais Centro Americano como parti di nan biahe pa yega Merca.

E cifranan a ser registra pa Instituto Nacional de Migracion de Honduras y ta coresponde pa e entradanan for di 1 di januari te 20 di september di e aña aki.

Venezolanonan cu 139.506, Cubanonan cu 40.950 ta supera Ecuatorianonan den e registronan, sinembargo, ciudadanonan di Ecuador ta supera Haitianonan cu 31.867 den yegada iregular. Segun cifranan oficial, 251.586 persona ta representa 81.6% di tur adulto migrante cu a drenta na e pais y 56.596 ta mucha menor di edad.

Augustus ta e luna unda mas

migrantenan a yega Honduras (65.526) den comparacion cu juli ultimo, e aumento den un luna tabata di 16.573 biahero mas.

Honduras a bira e pais di transito pa migrantenan Latino Americano, Africano y Asiatico. Comisionado Nacional di Derechonan Humano di e pais aki (Conadeh) a indica cu "migrantenan ta sufri hopi incidente, principalmente e cobro ilegal di transporte of di agentenan policial."

Despues di yega Honduras, e biaheronan mester atravesar por lo menos otro pais mas pa yega Mexico, e ora ey nan lo recore e pais di sur pa nort

pa yega na frontera cu Merca. Traficantenan di persona ta ofrece e migrantenan pa hiba nan den transporte particular, pero hechonan ta demostra cu e promesa ey ta falso.

Durante ultimo simannan, Mexico a registra e yegada di migrantenan di casi henter mundo, principalmente di Centro y Sur America. E aumento aki ta reflega e ola migratorio nobo pa Merca. Segun datonan di Aduana y Proteccion di Frontera di Merca entre october 2021 y september 2022 mas di 2.7 miyon migrante indocumenta a ser intercepta pa agentenan di frontera di e pais aki.



## Cuba: Regimen Cubano ta denuncia atentado contra su Embahada na Washington

**(CiberCuba) – E regimen Cubano a denuncia dia-domingo anochi e realizacion di un presunto atentado contra e sede di su embahada na Washington. Asina e ex minister, Bruno Rodriguez Parrilla, ken a atribui e hecho na un individuo cu a lansa dos bomb molotov contra e edificio, a informa ariba su cuenta di X.**

E titular di Ministerio di Relacion Exterior (MINREX) a indica cu niun hende a resulta herida den e supuesto incidente. “Den e anochi di awe, 24/9, e Embahada di Cuba na Merca tabata obheto di un atake terorista di un individuo cu a tira dos bomb molotov. No tabatin daño na e personal. Ta precisando e detayenan,” Rodriguez Parrilla a señala.

rilla a señala.

“Esaki ta e di dos atake violento contra e sede diplomatico na Washington desde april 2020. E tempo ey, un individuo a tira un asalto cu arma di candela contra e sede,” e minister di e regimen Cubano a precisa.

Durante un evento cu referencia na e responsabilidadnan di proteccion di e pais anfitrión di e legacion diplomatico, Rodriguez Parrilla a afirma cu e gruponan anti Cubano ta acudi na terrorismo na momento cu nan sinti impunidad, algo ariba locual Cuba a alerta e autoridadnan Mericano riba dje na diferente ocasion.

Segun e prensa oficialista Cubano, “despues cu e lamenta-



bel incidente a tuma luga, e comunidad internacional ya a cuminsa denuncia e hecho y a manifesta su solidaridad cu e pueblo Cubano.” Sinembargo, e reaccionnan

ariba rednan social di e sociedad civil Cubano ta muestra den su mayoria desconfiansa den e informacion ofreci pa La Habana, hibando hopi na opina cu lo por trata di

un auto atentado realiza pa e propio regimen pa impulsa su agenda politico di cara na e comunidad internacional.

## Republica Dominicana: Gobierno ta reporta reduccion di delincuencia den 2023

**(DiarioLibre) – E minister di e Presidencia, Joel Santos, a afirma cu e actividadnan delincuente, te cu aworaki den año 2023, a baha un 14%, den comparacion cu e mesun periodo di año 2022.**

“E actividad delincuente den loke tin di e año, compara cu año pasa, ta presenta un reduccion di 14%,” Santos a indica.

Den luna di september e indicador aki a mantene un nivel similar den compara-

cion cu e luna anterior. E data aki ta parti di e rapport di estadistica semanal cu e presidente Luis Abinader a analisa hunto cu e hefenan di e Polis Nacional, di e Ehército, di e Armada, di e Direccion Nacional de Control de Drogas y di e Ministerio Publico.

Minister Santos a presenta un resumen na final di un rueda di prensa y e mandatario a bandona e rueda di prensa algun minuut prome.

Den e reunion nan a trata e temanan di operatividad den

e invasionnan, ordennan di detencion, control di e fies-tanan y buskeda di e criminalnan mas busca.

Santos a revela cu a combersa ariba e modificacion di e structura di incentivanan di e Polis cu e meta di pone riba un liña e obhetivonan cu nan tin pa loke ta trata e reduccion di criminalidad cu e incentivo ey.

E funcionario a bisa cu ta bay tin un metodo cu lo ta totalmente vincula na e logro di e obhetivonan specifico cu nan



ta poniendo.

E siguimento cu nan ta duna

na e encuentro a inclui mas provincia, yegando ya caba na un cobertura di 73% di nan.

## Venezuela: Chavismo ta kere cu e turismo lo ta e elemento

**(LaPatilla) – “E turismo lo ta, den e proximo tempo, e elemento fundamental pa e crecemento y desaroyo di Venezuela a pesar di e sancionnan internacional cu no ta obstaculo pa avansa na e pais,” e minister chavista di turismo, Ali Padron, a sigura**

“Nos, den e proximo tempo, ta bay tin den e turismo un elemento fundamental pa e crecemento, pa e desaroyo y pa e inclusion social,” el a bisa na inicio di un agenda elabora den conexion cu e Dia Mundial di Turismo, cu ta wordo celebra dia 27 di september. Den declaracionnan na e

canal estatal VTV, Padron a sigura cu proximamente lo bishita e pais Caribense den forma masal turistanan di Polonia, como tambe ta yegando for di otro parti nan di mundo, entre cual el a menciona Rusia y Colombia.

E funcionario chavista a señala, cu cuminsando for di diadomingo, ta cuminsa desaroya mas di 180 actividad, entre nan actividadnan gastronomico, cultural y deportivo, programa den e agenda pa celebra e Dia Mundial di Turismo, entre nan un un walk and run cu a tuma luga na Caracas, den cual a participa mas di 2.900 persona.

Den luna di augustus, Padron a informa cu Venezuela ta premira cu e yegadanan internacional ta aumenta mas di 50% compara cu 2022, ora cu 656 mil persona a yega e pais for di exterior.

El a sigura, e tempo ey, cu e ta spera cu e cifra ta aumenta te na mas cu un miyon sin detaya si e ta referi na personanan cu ta yega for di exterior pa cualkier motibo, of turistanan cu otro nacionalidad cu no ta Venezolano.

E regimen di Nicolas Maduro a studia recientemente strategianan pa e reactivacion di cruceronan cu Alemania,



como parti di un agenda di trabao desaroya pa e vice minister di turismo interna-

cional, Leticia Gomez, ken a bishita e pais Europeo e luna aki.



## Aeropuerto di Aruba a celebra e United Nation SDG Action Week 2023



Aruba Airport Authority (AAA) cu masha orguyo a participa den United Nations' (UN) Global SDG Action Week 2023 to #ACT4SDGS. Nacionnan Uni, incluyendo tur e estadonan cu ta miembro, a adopta e Agenda 2023 pa desaroyo sostenibel, cu ta proporciona un plan pa paz y prosperidad di e personanan y planeta. Desde dia 15 pa 25 di september 2023, UN SDG Action Campaign y su socionan global a amplia e compromiso y e accion rond mundo tocante e 17 metanan conoci como e "Sustainable Development Goals".

AAA a prepara un programa pa e United Nations' (UN) Global SDG Action Week 2023, yena cu actividad educativo y interactivo caminda



e trahadonan a participa. Diasabra dia 16 di september 2023, World Beach Cleanup Day, AAA hunto cu Kiwanis Key Club, a organisa un dia

di limpieza na Boca Grandi. Un total di 70 participante a uni forsa pa yuda haci un area di aproximadamente 1.5 km limpi y ta importante pa



menciona cu nan a piki basta cantidad di sushi.

Safety and Sustainability na AAA, a duna di conoce.

A lo largo di e United Nations' (UN) Global SDG Action Week 2023, e empleadonan di AAA tabatin e oportunidad di participa den diferente actividad, incluyendo un wega interactivo di concientisacion tocante SDG, un presentacion tocante waste management & recycling bou encargo di Junior Lecturer na Universidad di Aruba, Colleen Weekes. A haci donacion di paña cu nan a distribui entre comunidad local a traves di Cruz Cora Aruba y diferente scol y riba e SDG Flag Hoisting Day dia 25 di september 2023. Como parti di e United Nations' (UN) Global SDG Action Week 2023, e empleadonan di AAA a ricibi un SDG Wheel Pin pa continua cu e concientisacion na trabou, cas y rond Aruba.

**Tocante AUA Airport**  
AUA Airport ta un di e aeropuertonan mas ocupa den region Caribe cu mas di 22 diferente aerolinea operando pa Aruba contribuyendo na mas cu 2.5 milyon pasajero pa aña y cu buelonan pa 22 diferente ciudad 34 diferente destinacion directo rond di mundo. Di e mercadonan cu AUA Airport ta sirbi 77% ta for di Merca y Canada, 13% for di Latino America, 6% for di Europa y 4% for di Antia Hulandes te cu luna di Augustus 2023. AUA Airport ta reconoce cu esaki ta danki na e economia stabiel, clima politico, hospitalidad, poblacion diversifica y seguridad general di nos isla.

AUA Airport su aspiracion ta pa bira un aeropuerto sostenibel, sigur y a prueba di futuro, den region Latino Americano & Caribeense, brindando un lugá di trabou confiabel, facilidad di un aeropuerto moderno y un servicio excelente cu ta e refleha hospitalidad Arubiano, contribuyendo na un futuro prospero pa Aruba.

Conoce mas di loke ta pasando na AUA Airport door di bishita [www.airportaruba.com](http://www.airportaruba.com) y conecta cu AUA airport riba [Twitter.com/Aruba\\_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport),

[Instagram.com/arubaairport/](https://instagram.com/arubaairport/)

"Sostenibilidad ta integra den e vision, e obhetivonan y e metanan di AAA y ta p'esey ta fortalece ainda mas su compromiso di realisacion y e contribucion pa e SDGs. Door di organisa un United Nations' (UN) Global SDG Action Week 2023, nos ta sigui asocia nos mes cu otro organisacion pa proyectonan impactante y duna bek na proyectonan comunitario cu ta haci uzo di SDG como guia, nos ta sigui curasha nos coleganan y e comunidad pa ta mas socialmente responsabel", asina Angeline Flemming, Director of Health,



**Fundacion  
Parke Nacional Aruba  
is looking for  
Nature Experience  
Ranger**

**Who is committed to the  
conservation of nature  
in Aruba**

**Application deadline  
17 October 2023**

**Please send your resume  
and a motivation letter  
to Ms. Avonda Powell at  
[hr@arubanationalpark.org](mailto:hr@arubanationalpark.org)**

**PARKE NACIONAL  
ARUBA**



# TRAVEL

## STRESS-FREE

Starting from  
**Afl. 25**



Available anytime in the  
**SETAR App**

International Roaming			
Data	500 MB	1GB	3GB
SMS	10	30	60
Outgoing / Incoming Min	10	30	60
Duration	1 Day	7 Days	30 Days
Price	Afl. 25	Afl. 65	Afl. 140

\* Roam in Canada, Colombia, Costa Rica, Germany, Ireland, Italy, Mexico, New Zealand, The Netherlands, Austria, Peru, Turkey, USA-Continental and The United Kingdom. For more Roaming Bundles, visit [setar.aw](http://setar.aw).



## AHATA a organisa entrenamento pa planificacion di maneho di crisis

Aruba Hotel & Tourism Association (AHATA) den colaboracion cu Bureau Rampenbestrijding Aruba (BRA) a organisa e entrenamento di “Crisis Management Planner” pa su miembronan. E training di dos dia, facilita pa expertonan den maneho di calamidad di BRA, a duna 52 participante di diferente compania e oportunidad pa desaroya e habilidadnan critico cu ta necesario pa nabega un posibel calamidad.

E programa di e entrenamento a enfoca riba con pa identifica reaccion, capacidad di recuperacion, escasez di recurso y con pa alinea e Plan di Operacion di Emergencia (EOP) di un compania cu e Plan Nacional di Emergencia di Aruba. E entrenamento a ricibi reaccion positivo y a entrega un certificacion na tur participante despues di a completa e sesionnan.

Cu e entrenamento aki AHATA ta brinda su miembronan



guia y apoyo pa sa maneha y recupera efectivamente di cualkier crisis y ta aporta na e seguridad di turistanan y tur trahado den e sector di hospitalidad y turismo den un caso di emergencia.

AHATA ta gradici Humphrey Gomez y Rino Hermans di BRA pa e training extenso y La Cabana Beach Resort & Casino pa facilita nan ballroom pa e sesionnan di entrenamento.





*Durante un accion policial den bario di Noord***29 persona a ser atende pa negligisha cacho**

**Accion contra personanan of doñonan di cacho negligisha, peligroso, cana los ariba caminda publico of otro tipo di infraccion den ley di cacho ta continua!**

Durante e accion di control cu a tuma lugar den algun bario di Noord a tuma nota di varios infraccion pero a logra atende cu bintinuebe (29) persona of doñonan tocante diferente infraccion di ley di cacho.

E personanan aki no a tuma precauacion suficiente pa asina e cacho por ta bon cuida. Diezcinco (15) persona a haya un multa mesora y diezcuater (14) a haya un aviso. Mester tene cuenta cu e multanan ta



cuantioso y tin afecto pisa pa bo cartera.

A haci diferente control den bario nan di Noord manera:


Semeleerstraat, Fiigaroas-  
traat, Eckmeyerstraat, Fran-  
kenstraat, Monserat, Mon-  
taña, Sabana Liber, Noord,  
Turibana, Kamay, Sero Pela,



Saliña Cerca, Bakval, Opal, Safir, Esmeralda, Topaz, Boe-  
goeroei, Alto Vista, Kurimi-  
auw, Catiri, Seroe Janchi,  
Shiribana, Matadera, Tanki  
Flip, Moko, Papaya, Cunuc-  
u Abou, Washington, Caya  
Cangreu y Palm Beach.  
E controlnan aki lo continua

den otro barionan inespera.  
Ta haci un suplica pa cuida bo  
cachos, mantene bo mes na e  
ley y reglanan tocante cachos  
y preveni di haya un multa  
indesea. E multa ta halto y lo  
por tin consecuencia pa bo  
cartera.

## Cu ayudo di esunnan presente a gara y wanta homber sospechoso arma cu cuchiu na Linear Park



**Diabierna anochi a drenta informe di cu lo tin un homber sospechoso arma cu un cuchiu patras di Hamaka na Linear Park, mesora a dirigi**

**patruman na e sitio.** Mientras e patruman tabata na caminda esunnan presente mes a baha riba e sospechoso gar'e, kita e cuchiu for di dje y a keda want'e te ora polis

a yega entreg'e na nan. Polis a detene e sospechoso y a confisca e cuchiu. Cu e vehiculo di transporte a hiba e detenido pa warda di polis. A



## Polis a bay patras di Botica Oduber pa un ex- cu a bay cu auto di un dama

**Diabierna anochi a drenta informe di un posibel caso di joyriding patras di Botica Oduber, mesora a dirigi un patruya na e sitio.**

Na yegada di e patruya a bin compronde cu un ex di un forma of otro lo a pasa man

pa e yabi di e auto di su expareha y a bay cu esaki. Kizas pasobra e dama lona bebe un tiki dimas of pa otro motibo. Polis a tuma nota di e caso aki y a bisa e dama cu e por pasa den oranan di mainta pa entrega keho na recherche.





## Habitante na Sabana Basora ta lanta haya auto desconoci den su cura

Diasabra mainta a drenta informe di cu un habitante di Sabana Basora a lanta y a haya un auto desconoci den su cura, mesora a dirigi un patruya na e sitio.

Na yegada di e patruya a bin compronde cu aki ta trata di un BYD blauw. Ora polis a controla e number di auto a bin ripara cu esaki no ta cuadra cu e tipo di auto. Polis a confisca e auto pa pone na disposicion di e legitimo doño.



## Na Sabana Grandi como 7 cacho a mata un cabrito chikito y su mama

Diasabra mainta a drenta informe di como 7 cacho a mata un cabrito chikito y su mama na Sabana Grandi, mesora a dirigi un patruya na e sitio.

Na yegada di e patruya a bin compronde cu un persona di edad a scucha zonido di cabrito ta grita desespera y a sali pafo wak y ta mira como 7 cacho 5 preto y 2 bruin lastrando un cabrito chikito hibando esaki el a core cu e cachonan y esakinan a core bay cu un di e pianan di e cabrito chikito aki y e homber a nota cu e mama a ser mordi



tambe y tabata halando su ultimo roseanan. E homber a keda tur disgusta ya cu e ta cuida su bestianan y ta dedica su mes na agricul-

tura y cachonan riba caya ta drenta su cura y ataca su bestianan. Polis a tuma su keho y a keda di bay mira kico por haci pa e homber.



## Polis a detene yiu cu a lanta contra su tata y a causa hopi destruccion den e cas na Sabana Liber



Diasabra mainta tempran a drenta informe di cu tin un yiu cu ta lantando contra di su tata y ta destruyendo cosnan den e cas, mesora a dirigi patruya na e sitio.


Na yegada di e patruya a bin haya e yiu gritando y kibrando cosnan den e cas, polis mesora a bay riba dje y a detene pa destruccion. Polis a bay warda cun'e pa asina e calma y refleha di su actonan destructivo y problematico.

## Varios patruya di Noord, Oranjestad y Santa Cruz mester a bay Caya Musica pa un problema!



Diasabra madruga a drenta informe di un problema na Citgo Sasaki, mesora a dirigi patruya na e sitio.

Na yegada di e patruya a bin compronde cu e problema a desplaza su mes na Caya Musica. Na yegada di e patruya a wak e situacion fuera di control y a pidi refuerzo, na yegada di esaki a logra domina un sospechoso y a transporta esaki pa warda di polis. Mientras a avisa e otro partido pa pasa entrega keho na recherche.





## 2 Detencion despues di accidente spiel cu spiel

**Diasabra atardi a drenta informe di un accidente unda cu a start un pelea un di nan a keda “knocked out”, mesora a dirigi patruya na e sitio.**

Na yegada di e patruya a bin compronde cu aki ta trata di un accidente unda un chauffeur a bay demasiado na man robes y su spiel a dal cu e spiel di e auto di direccion contrario maneha pa un dama. Eynan a start un discusion y e casa di e dama a dal e chauffeur burachi y esaki a cay abao “knock out” cu un kap patras di su cabes. Polis a pidi



presencia di ambulance pa atende e kap. Polis a detene e homber cu a dal e chauffeur mand'e vloer.

Na yegada di e ambulance a

atende e victima. Despues di e atencion medico polis a laga e chauffeur supla y esaki a surpasa e limite permiti y a detene tambe.



## Homber bao influencia di substancia a bay busca problema cu personal di Elmar

**Diasabra merdia a drenta informe di un pelea den Flacciusstraat, mesora a dirigi 2 patruya na e sitio.**

Na yegada di e patruya a bin

compronde cu e pelea lo a caba y cu aki lo ta trata di un persona bao influencia di un of otro substancia cu a bay busca problema cu e personal di Elmar y despues a

bay pusha un bisiña y a start un problema ora polis a bay pa papia cu e persona esaki a core drenta e cas sin sali mas pafo.

## Homber cu a haci trabao pa bisiña a menasa bisiña si nan no page awe e lo tira nan

**Diasabra anochi a drenta informe di un caso di menasa di morto na un adres na Bubali, mesora a dirigi patruyanan na e sitio.**

Na yegada di e patruya a bin compronde cu e homber ta burachi y a haci poco trabao di corta mata pa e bisiña y e tabata kier su placa e momentonan ey y a menasa cu e lo tira nan tur si nan no page awe. Polis a atende cu e homber y a detene pa menasa cu morto. Polis a bisa e bisiña e camindanan pa cana pa e caso aki.



## Manera a emiti informe di buskeda y detencion di K.G.A. di 59 aña, recherchenan di Santa Cruz a detene

**Diasabra atardi ministerio publico a emiti e ordo di buskeda y detencion di e sospechoso K.G.A. di 59 aña, kende ta core un Harley Davidson cora y ta ser busca pa menasa cu arma.**

Mesora cu a emiti e ordo

aki recherchenan atento di distrito 4 (Santa Cruz) a sali bay directamente na e trailer unda e ta biba na Santa Cruz y a detene. A prepara un team di investigadonan pa drenta su trailer y haci un buskeda den e trailer pa haya tur posibel evidencia pa aña di na e investigacion.





## Disjondrick Jacobs , Brainer Lampe y Gerald Moreta a pone Aruba su number den halto den e competencia di Ironman Maryland 2023 na Merca

Recientemente, Minister Xiomara Maduro a representa Minister di Deporte Endy Croes y Gobierno di Aruba pa ricibi e ekipo dinamico Disjonrick Jacobs, Brainer Lampe, Gerald Moreta y team na Aeropuerto Internacional Reina Beatrix na nan yegada.

Brainer Lampe, Disjonrick Jacobs y Gerald Moreta a participa na e 140.6 (226.3

km) Ironman Maryland 2023 na Merca. Cu tempo registra di 14 ora, 40 minuut y 58 seconde a bira e "fastest track record" di e Ironman na Maryland y Brainer, Disjonrick, Gerald Moreta y Beyond Sports Limit Foundation Aruba a ricibi a Award Physically Challenged/ Intellectual Disability Open Division. Disjondrick a bira e prome participante di mas hoben den su categoria den historia di competencia na



Ironman na Maryland. Minister Xiomara Maduro a in-

dica cu a pesar di e retonan cu nan a haya, nan a logra. Nan a demostra cu no tin ningun limitacion pa alcanza bo metanan. Minister Endy Croes ta felicita Disjonrick Jacobs, Brainer Lampe, Gerald Moreta y henter e team cu e logro grandi aki. Aruba ta orguyoso di boso! Esaki ta un ehempel bibo di deseo, dedicacion, determinacion y disciplina.

## Fundacion Pariba Boxing ta presenta un anochi di pelea explosivo

**Pariba Boxing Club, un fundacion cu no ta gana placa (non-profit) dedica na empoderando muchanan chikito, nos hubentud y adolescente den e deporte di Boxeo na San Nicolas, ta orguyoso di anuncia su prome evento di boxeo. Un show di boxeo di nivel halto cu peleanan nacional y internacional. E prome evento di boxeo di aña na Aruba.**

Dia: 30 di september 2023 di 8pm pa 10pm den YMCA

SAN NICOLAS (porta ta habri 7pm).

Como fundacion ta dedica na e deporte di Boxeo cu no ta traha directamente pa ganashi (aunke tin gastonan adicional), tur ganashi di E evento ta pa apoya directamente e proyecto comunitario Di Pariba Boxing Club. "Nos meta no ta solamente pa celebra e deporte di boxeo, pero tambe canalisa e pasion y disciplina pa empodera nos hubentud positivamente. Macro duper- soy, fundador di Pariba Box-

ing Club, ta pidi nos comunidad. "Pa asisti na e evento aki, bo no, ta solamente presencia peleanan emocionante, pero tambe bo ta inverti den futuro di nos comunidad.

Pariba Boxing Club ta yama bon bini na nos medianan di comunicacion, nos publico y e boxing fans pa uni cu nos pa un anochi elektrisante. Pa mas informacion y pa sponsoring di tickets tuma contacto cu: Marco Dupersoy na pariba.boxing@gmail.com Of Whatsapp 7383556



## Minister Endy Croes a reuni cu director di Fundacion Lotto pa Deporte Sr. Junny Figaroa pa elabora riba e proyectonan na caminda

Minister Endy Croes a ricibi director di Lotto pa Deporte Sr. Junny Figaroa na Bestuurskantoor, unda nan a hiba un tremendo reunion. Minister a combersa hopi di su vision y e ambicion pa inverti den deporte, tanto pa yuda e federacion- y atletanan pa nan desaroyo, pero alabes inverti den infraestructura di e facilidadnan cu a keda hopi atras.



A repasa status di Compleho Deportivo Guillermo Prospero Trinidad na Dakota: Minister Endy Croes a duna un "update" riba e detayenan di e proyecto di renobacion di Compleho Deportivo Guillermo Prospero Trinidad na Dakota. Manera ta conoci, e stadion aki a wordo desapropa desde aña 2016, unda nos weganan di seleccion di futbol desde e aña ey mester a tuma luga den exterior. Manera Minister Endy

Croes a tuma rienda, desde september di aña 2021 a haci un promesa publico cu lo renoba e stadion aki. Danki na Gobierno di Aruba, kendenan a bay di acuerdo pa aloca un suma substancial y Lotto pa Deporte cu a inverti 1 miyon florin pa por a yuda inicia e proyecto aki na luna di februari di aña 2023. E parti concreto ta wordo ful renoba, instalacion di coriente y e airconan ta wordo

completamente reemplaza pa uno mucho mas moderno. A aloca un yerbe artificial "state of the art" cu ta wordo certifica pa FIFA y lo pone un atletiekbaan marca MONDO cu ta "top quality". Pues tur cos ta canando bon.

A repasa mas proyecto: Minister Endy Croes a splica cu lo inicia pronto un proyecto pa instala cuater veld di futbol cu luz, esta e

veldnan cu no tin luz y tambe lo percura di acuerdo un plan structural reemplaza tur e luznan existente pa LED light y aki tambe ta desea pa Lotto pa Deporte inverti den e proyecto bunita aki. A splica director di Fundacion Lotto pa Deporte e tantisimo peticonnan cu drenta pa ayudo y claro no por yuda tur hunto, pero lo traha di acuerdo un plan. Sr. Junny Figaroa a splica di su banda e status cu Fundacion Lotto pa Deporte ta aden actualmente, cu ta e fase pa tuma e maneho di loteria bek cual lo tuma luga prome cu fin di aña y aki lo bin mas fondonan disponibel pa deporte.

Minister Endy Croes a brinda informacion di e proyecto Palo Marga, unda tanto Gobierno di Aruba y Fundacion Lotto pa Deporte a inverti den esaki, alocando 26 poste di luz cu luznan LED ultra cla. A renoba Veld di Brazil,

Veld di Flatstone, Veld di Brazil, Veld di Flatstone, Basketball Court Village, Steetwise BMX Track. Tambe, a aloca luz na BMX Track Jaburibari, luznan na Aruba Juniors a haya atencion y asina por a nombra tantisimo ayudo cu e veldnan ta hayando.

Minister Endy Croes a termina splicando cu den e ultimo 10 añanan, desde 2010 bin ariba casi no por a mira ningun inversion di placa di Lotto pa Deporte den deporte realmente. Solamente mester a cambia e Raad van Toezicht (AVP), kendenan a sinta 12 aña largo y alabes pone un director cu tin deporte como su pasion y hunto cu un plan y den tremendo colaboracion por mira cuanto proyecto ta andando. Por mira realmente unda bo placa di Lotto pa Deporte ta bayendo. Lo bay tin hopi mas!



Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

## BISTA POLITICO

*Secretario General di MEP: Mansur-Rycond-Marisol-Aguanette-Gerlien*

### Algun parlamentario di panlefi cu kier bende Aruba na prijs di baca flaco

Secretario General di MEP ta cuestiona e manera con algun politico di Panlefi, manera Mansur, Rycond, Marisol, Aguanette y Gerlien kier bende Aruba cu Den Haag, Hulanda na prijs di baca flaco. Ora Bo no ta comprende e materia y ora nunca bo a traha of lucha pa algo bo ta dispuesto pa entrega Hulanda sin sa kico Bo ta entregando. E “Team Panlefi” kier purba substancia 30 miyon di interes (cu Aruba no lo por inverti tampoco paso e ta bay pa paga debe di Mike) como un di e puntonan segun nan valido pa entrega Aruba na Hulanda.

**Mike Eman y AVP a desgracia e pida baranca aki y boso tur a brasa Mike:**

Secretario General ta recorda e “Team Panlefi” un tiki di e historia. Durante aña 2010-2017, Mike Eman y AVP ta bay den historia como e politiconan cu a desgracia e pais aki. No ta pornada Hulanda a “grijp in” na 2014, unda Mike a bay bebe Ensure bou palo y pone su fanaticada ciego bay bati wea dilanti cas di gobernador, tira su auto cu webo gritando firma awo. Pues Mike Eman tabata exige Gobernado firma un presupuesto di Pais Aruba cu un deficit di 406 MIYON florin. (Mira adhunto e tabel di Centrale Bank) Esaki ta deficitnan di 8 aña di gobernacion di Mike Eman. A presta un total di 2200 MIYON florin pa cera e buraco financiero di su propio gobernacion (deficit) sin conta e PPP proyectonan cu tabata wordo



gebook off balance. Tur e ocho (8) presupuestonan aki cu deficit astronomico, cual placa cu Pais Aruba a presta riba mercado internacional na 6-8 % di interes a wordo aproba pa tanto Marisol y Mervin Wyatt Ras den Parlamento di Aruba. Nan ta esnan cu a grita VOOR ocho aña largo ciegame. Gerlien Croes y Rycond Dijkhoff no obstante conoce e historia aki a subi lista di AVP pa brasa Mike Eman, campaña pa AVP pidiendo pueblo vota pa nan y vota AVP. Asina nan brasa e corrupcion di Paul (caso IBIS) y Benny (caso Avestruz) y

alabes brasa e prestamonan gigantesco aki, causa door di AVP. Gerlien Croes, Rycond Dijkhoff, Marisol Lopez Tromp, Aguanette Gunn y Mevin Wyatt Ras, tur a aproba e prestamo di 2200 MIYON florin na interes haltu. Awe ta net e Team Panlefi aki kier yora riba interes a cambio di entrega Aruba na Hulanda? “Het kan verkeren!”.

**Hulanda a presta Aruba 916 miyon florin y boso kier entrega Aruba?**

Debe di Aruba actualmente ta 5700 miyon florin, mientras Hulanda a presta Aruba 916 miyon florin den Covid 19 pa yuda traspasa e temponan dificil. E 916 miyon aki a yuda e comerciantenan haya Loonsubsidies pa paga nan empleadonan bou cierto condicionnan, parcialmente a bay na FASE y tambe na MKB, esta sosten na Middel en Klein Bedrijf y banda di esaki SVB y AZV tambe a ricibi fondonan di e placa aki. Si kita 5700 miyon - 916 miyon, Aruba su debe tabata ta 4800 miyon di cual 2200 miyon florin ta di dos Gabinete di Mike Eman apenas

den ocho aña (2010-2017). Den e 23 añanan anterior desde Status Aparte Aruba su debe nacional tabata 43% na aña 2009 (1986-2009) y di acuerdo cu IMF esaki por ta maximo 55%. Pues un Aruba financieramente na ordo ora MEP a entrega e gobernacion na october 2009 na AVP y Mike. Awo pasobra Mike Eman a destrui e pais aki den ocho aña creando e Mega Debe di cual e Team Panlefi mes a apoya y awo cu e gobierno aki a presta manera tur pais na mundo pa traspasa e pandemia Boso kier entrega Aruba? Kier mara nos futuro generacionnan na man cu pia cu Hulanda, unda 152 Parlamentario Hulandes cu no ta ni worry di berdad cu Aruba mester dicidi riba nos 21 Parlamentarionan di Aruba cu pueblo ta scoge? Esaki ta e democracia cu e 5 Parlamentarionan di Panlefi aki ta boga p’e? Esaki ta e RAFT cu boso ta bringa pa acepta. Boso no tin berguensa? Gabinete Wever-Croes na 2019 caba a logra Surplus, na 2020 tabata tin 44 miyon di Surplus den presupuesto, pero Pandemia a cambia e destino. Na 2023

ta logrando 70 miyon di Surplus pa paga debe di Mike y na 2024 lo bolbe logra 70 miyon di Surplus. Cu e maneho aki boso kier entrega? MEP no tin miedo di supervision, pero si ta contra abuso di poder. Rycond, Gerlien, Mansur, Marisol, Aguanette Gunn, hendenan cu nunca a lucha pa Aruba awo ta PRO Slavitud Moderno. E RAFT manera presenta ta Slavitud Moderno. Mescos como cliente bo presta placa di Banco pa traha bo cas pero e director ta bisabo ki color bo ta verf e cas, cuanto camber bo mag di tin, ki tipo di mata bo mag di pone den Bo cura, ki tipo di pochi WC bo ta pone den bo baño di bo soño mientras Abo ta cumpliendo “al pie de la letra” cu Bo pagonan y ta abo a firma pa tur responsabilidad. Esaki ta e RAFT manera e ta awo of un tipo di Rijkswet cu Hulanda kier introduci. Esaki ta e Aruba cu e Team Panlefi kier! Mansur nunca a traha den su bida. Di un adicto cu a haya tur cos gratis den bida awo kier hasta entrega Aruba. Papiamento crioyo boso baha na awa! Un Supervision cu ta fit Aruba ta welcome.

Deficit Gabinete Eman		
2010		-188.6
2011		-325.2
2012		-443.3
2013		-332.8
2014		-405.8
2015		-184.6
2016		-177.3
2017		-137.3
TOTAL (xmldn. Af.)		-2194.9
Averahe		-274.4



Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

# BISTA POLITICO

*Lider di partido Curpa Eric Ras:*

## Partido Curpa ta e unico partido cu ta garantisa un maneho segun leyman di dios

Nos por a tende cu parlamentarismo Tevreden ta pidi pa laga politica un banda y pa uni pa enfrenta Hulanda riba e RAFT. Nos ta kere cu Tevreden no ta mira e holoshi bon paso e ora a pasa dia caba. Awor ta 5 pasa di Dios y e baca a hoga. For di 2018 Hulanda a firma protocol cu nos prome minister pero te dia di awe nos prome minister no ta cumpli. Ora tabata tin tempo pa gobierno bin cu un cumbre pa asina haya un base amplio y solido nos gobierno a prefera di hunga politica cu e asunto. Tevreden ta desea union, pero unda el a keda ora nos prome minister scondi a biaha pa Hulanda pa firma e acuerdo. Tevreden mester acepta cu gobierno a hunga cu e macaco y el a saca su wowo.

Riba dje partido MEP kier yama Hulanda pa sinberguensa paso Hulanda ta cobra Aruba un riesgo interes ariba interes normal riba e 916 milyon cu pais Aruba a fia y cu esey ta un ganashi pa Hulanda. Si nos mira den e periodo

(2001-2009) di gobernacion di partido MEP a subi Mercado internacional tambe gobierno mester a paga un riesgo interes riba e interes normal. Pais Aruba ta pagando e interesnan aki sin busca hende pa difama. Awor ken ta mas sinberguensa cu Hulanda ora gobierno di Aruba, partido MEP y partido AVP, a fia mas cu 5 biyon florin y mester paga un riesgo interes riba e interes normal paso ta algo normal cu e financiado ta cobra. Si esey ta algo normal cu ta cobra kieren cu esey ta haci partido MEP un ganiado cu kier instigando inhustamente contra di Hulanda mientras e gobierno nan aki mes a firma ora a fia 5 biyon florin. E riesgo interes cu Aruba mester paga ta keda chikito compara esun di e 5 biyon florin compara e mega interes cu e gobierno di partido MEP y partido AVP cu a hinca Aruba den e mega debe.

Nos no ta kere cu e gobierno aki por negocia cu Hulanda pa locual ta trata e placa cu a fia na aña 2020. A habri man tuma e placa y a hunga politica cu sentimento di nos pueblo durante campaña

2021 ora a bisa cu si kier fase sigui anto mester vota MEP. Eleccion a pasa, fase a caba y lo demas ta puro historia sin contenido. Mega debe tin nomber partido MEP y fam partido AVP. Awe pueblo tin un debe di mas 6 biyon florin. Si nos gobiernonan for di 2001 bin ariba a sa di administra placa di pueblo awe nos grandinan no mester paga pa nan remedinan, nan lo tin un bon pensioen pa hiba un bida digno, esnan sin trabao lo por tin un miho bida y muchanan no mester bay scol stoma bashi ni paga un schoolgeld asina caro. No tabata tin mester hisa tarifa di awa y electricidad y sigur lo no tabata ningun BBO pio BBO na frontera cu tin pueblo horca y gobierno lo no mester cobra asina tanto accijns pa haci e gasolin mas caro cu otro islanan di Caribe Hulanandes.

Solucion tin pero e gobierno aki no por trece ningun solucion paso nan ta forma parti di e gobierno cu a destrui Aruba su economia. Aruba mester un gobierno di hendenan cu ta haci locual cu nan ta papia. Nos ta corda cu durante campaña partido MEP tabata



tin su programa di gobernacion y e tabata asina gordo cu e ta parece el libro de petete. Si pueblo tabata sa cu e libro de petete ta solamente medida tabata para den dje awe partido MEP lo no ta den gobierno y lo a hiba un derota manera 1985 tempo cu partido MEP a perde 5 asiento. Pueblo e palabra di Dios ta bisa pa nos hala for di nos mal caminda y pidi Dios pordon. Dios lo sana nos tera y pueblo lo por mira Aruba florece. Nos tin 37 aña den Status Aparte y Aruba a wordo

goberna pa hendenan cu no ta stima Aruba y pa hendenan sin principio. Sabiduria humano a demostra cu e no ta garantisa bienestar pa nos pueblo. Esaki ta tempo pa pone confiansa den hendenan cu tin temor di Dios y cu no ta bay contra leyman di Dios. Tur partidonan politico cu ta bay contra leyman di Dios lo recoge nan cosecha pa locual cu nan a sembra. Ningun hende por burla di Dios y sali sin consecuencia. P'esey mes partido Curpa ta keda e unico alternativa.

*Prome Minister ta felicita e hobennan Arubiano Disjonrick Jacobs y Brainer Lampe:*

**“Ban kere den nos hendenan y den Aruba, paso nos por!”**

Dialuna mainta, na final di conferencia di prensa di Gobierno di Aruba, Prome Minister Evelyn Wever-Croes, a felicita e hobennan Arubiano Disjonrick Jacobs y Brainer Lampe cu a logra com-

pleta e 140.6 miya di e IRON-MAN competition na Maryland, y a ricibi e "2023 Award Physically Challenged/ Intellectual Disability Open Division".



Prome Minister a expresa, cu e logro di e dos hobennan aki, ta pone nos realisa, cu den bida nada no tin limite pa logra locual nos kier logra. Disjonrick ta un hoben den rolstoel, cu a pesar di cualkier discapacidad, ta pone su mente y curason pa logra haci su soñonan realidad. E logro di e dos hobennan aki, mester sirbi como ehempel, pa inspira cada un di nos, pa kere den nos mes, den nos hendenan, y den nos pais. Mirando riba e situacion actual na pais Aruba, hopi biaha nos como Arubiano ta kere un hende di afo mas lihe cu nos ta kere nos propio hendenan.

"Ami ta kere den Aruba y su hendenan. Tin ta haci bon, tin ta haci malo, y otro ta bin drecha loke a wordo haci malo, pero semper nos como Arubiano ta bin hunto pa interes di nos pais. Aki na Aruba nos tambe por, y nos ta

riba e caminda di finanzas duradero di nos pais. Desaroyo economico ta sigui positivo. Loke nos por influencia, nos ta influencia, loke no por no por, pero nos ta purba si pa e bienestar y progreso por yega den tur skina di nos pais, cerca tur ciudadano, y pa no laga niun hende atras.

Nos ta sigui na mesa cu Hulanda pa yega na e miho alternativa pa pais Aruba. Si nos no logra baha e interes pa fin di aña, nos lo sigui busca manera pa refinancia, y baha interes riba e otro debenan, pa asina no tin impacto financiero. Nos Gobierno ta trahando hopi duro di dia y anochi pa hopi tempo caba riba e negociacionnan cu Hulanda, y nos lo logra. Importante ta, pa nos kere den nos hendenan y den Aruba paso nos por", Prome Minister a termina bisando.



# Youth Challenge Talent Camp, 2023

*Na Fundacion Centro Famia Piedra Plat*



**E aña aki e FCFPP ta organiza Vakantie Camp pa hoben nan di edad 12 pa 17 aña. October 2 pa 6 (dialuna pa diabierna)**

E lo ta un Camp cu hopi  
aventura y retonan caminda  
e hoben por demostra su tal-  
entonan cu e tin y por siña

hopi mas. Lo tin Arte, Baile, Musica, Workshop, Deporte, Video games, Hiking, y lo pasa un dia na Water Park Hooiberg.

E Camp tin un prijs social danki na CEDE Aruba y ATHA cu ta sponsor un parti di e gastonan halto cu tin.

E Camp ta inclui tur material, snacks, juice, fruta parti mainta y cuminda cayente merdia.

Pa inscripcion por yama of  
whatsapp 592-0653 / 569-  
1669 of E-mail: centrofami-  
app@gmail.com

# Oracion di Triduo na honor di San Hudas Peregrino

Grupo San Hudas Tadeo Peregrino, tabata den un “winterslaap”, pero door cu otro luna october 2023 tin un triduo na honor di San Hudas Tadeo, na Misa Birgen di Fatima na Dakota, lo wordo teni na cas di Sra. Elvira Jansen Sero Preto 22, Paradera, un oracion di Triduo na honor di San Hudas Peregrino, diahuebs 28 di September 2023 pa 7or di anochi, pa lanta animo di e devotonan pa prepara pa e Triduo di otro luna.

Manera ta e custumber ta resa diahuebs 28 di September 2023, cu Sra. Elvira y dia 29 y 30 di September Elvira ta resa cu su famia y e devotonan ta resa na nan cas. Diadomingo dia 1 di october 2023, e devoto ta bay cualkier misa pa pidi un misa pa gradici San Hudas Tadeo pa e gracianan y fabornan ricibi y tambe pa no a ricibi esakinan. Si acaso no por asisti personalmente na un Misa por sigui riba TV un Santo Sacrificio di Misa na EWTN of riba YouTube tambe, pero no lubida cu e posturanan, mescos cu ta personalmente presente y asistiendo na un Santo Sacrificio di Misa na un Parokia. Pero ta prefera pa asisti personalmente na un Santo Sacrificio di Misa na cualkier Parokia.

Si acaso tambe cu no por



asisti e Triduo na cas di Sra. Elvira por scucha e Triduo riba Facebook of riba YouTube di Parokia di Fatima.

E grupo di oracion na honor di San Hudas Tadeo Peregrino, ta spera cu e devotonan por asisti na e oracion ya menciona, y aki nos por splica e ruta pa yega e cas di Sra. Elvira. Ta yega na Burger King di antes na Paradera, drenta e caminda pariba di dje, sigui core straight yega na e T-weg y bira na man drechi y sigui core y e cas ta keda net na e skina (un cas moda bieu) na man links color geel y pega na dje un regenbak).

Nos ta spera y confia, cu e devotonan lo por asisti seguramente na e Triduo aki , awo cuminsando September 28, 2023, na honor di nos San Hudás Tadeo Peregrino stima, na cas di Sra. Elvira Jansen .

Pa otro luna di october 2023 p'e Triduo y fiesta na honor di San Hudas Tadeo, por spera mas informacion, keda pendiente.

Si tin cualkier devoto cu lo ta desea pa ricibi mas informacion por yama libremente Sra. Myriam Vrolijk na number di telefon 594-1829 of Sra. Ida Croes na 594-4144. Cu mucho gusto nan lo por duna mas informacion.

<div> <div> <div>Resultado Sorteo</div> <div>25 september 2023</div> </div> <div>  </div> </div>		<div>Cadena Alexander Lottery ta presenta resultado di weganan di suerte</div>	
<div> <div>DIARIO</div> <div>6702</div> <div>6090</div> <div>5805</div> </div>		<div> <div>KORSOU</div> <div>7119</div> <div>7875</div> <div>0253</div> </div>	
<div> <div>SUPER4</div> <div>5911</div> <div>SUPER5</div> <div>-</div> </div>		<div> <div>FLAMINGO</div> <div>4509</div> <div>9635</div> <div>2258</div> </div>	
<div>MERDIA</div>		<div>ANOCHI</div>	
<div> <div>CATACHI</div> <div>Sorteo # 4044</div> <div>0747</div> <div>2741</div> <div>8314</div> <div>MULTI-X</div> <div>X2</div> <div>BIG 4</div> <div>Sorteo # 4044</div> <div>6155</div> <div>1OFF</div> <div>Sorteo # 2100</div> <div>3824</div> <div>ZODIAC</div> <div>Sorteo # 4044</div> <div>8643</div> <div>Capricornio</div> <div>LUCKY 3</div> <div>Sorteo # 918</div> <div>479</div> <div>MULTI-X</div> <div>X3</div> </div>		<div> <div>CATACHI</div> <div>Sorteo # 8053</div> <div>7961</div> <div>7189</div> <div>1628</div> <div>MULTI-X</div> <div>fp</div> <div>BIG 4</div> <div>Sorteo # 7097</div> <div>3582</div> <div>1OFF</div> <div>Sorteo # 1802</div> <div>7605</div> <div>ZODIAC</div> <div>Sorteo # 5856</div> <div>0281</div> <div>Aries</div> <div>LUCKY 3</div> <div>Sorteo # 786</div> <div>998</div> <div>MULTI-X</div> <div>x3</div> </div>	
<div> <div>LOTTO 5</div> <div>Sorteo #</div> <div>0 x Jackpot</div> <div>0 x Match 4+</div> <div>0 x match 4</div> <div>0 x Afl. 12,00</div> </div>		<div> <div>Joker</div> <div>Letter</div> <div>Proximo Jackpot</div> <div>625.000,-</div> </div>	
<div> <div>LOTTO DIA</div> <div>Sorteo # 6250</div> <div>0 x Jackpot</div> <div>7 x Match 4</div> <div>148 x Afl 8,00</div> </div>		<div> <div>03-05-08-22-23</div> <div>Proximo Jackpot</div> <div>56.000,-</div> </div>	
<div> <div>MEGA</div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl. 15,00</div> </div>		<div> <div>Mega Ball:</div> <div>Proximo Jackpot</div> <div>290.000,-</div> </div>	
<div> <div>MEGA</div> <div>Afl. 390.000,-</div> </div>		<div> <div>MEGA REUS</div> </div>	
<div> <div>KORSOU</div> <div>Sorteo #</div> </div>		<div>  </div>	

## King Classic Sudoku

	8			6	7	5		
		9	5	2		1		7
	3	7						2
7	9		8	3				
3				5	2	9	7	
8	2		7	9	1			3
9		3	2	7				1
	5	2	9	8				
4			6		5			

Difficulty: ★★

9/26



## Clasificado

ECONOMICO aviso@bondia.com

Personal GRATIS max. 20 palabra  
FASA LAGA BO AVISO NA OFICINA DI BON DIA  
ARUBA WESTSTRAAT#22 FOR DI 9:00AM-4:00PM  
Email nos na  
classified@csprv.com

### SERVICIO PUBLICO

**Limpieza pa cas y auto**  
Presure wash cura di cas  
Laba muebles, laba tapijt  
laba vloer  
Tel. 593 9464

### TA BENDE

Combo di regalo pa  
tur ocasion:  
Mugs, kerki di biña,  
tablashi cu leyenda  
Cell whatsapp 567 2907

### SERVICIO PUBLICO

Handyman  
Pa trabou di verfmento  
plumbing tuberia, chapi,  
limpieza di cura, drecha mata  
Tel : 567 1108

### SERVICIO PUBLICO

Buscando auto pa huur y na bon  
prijs? yama nos  
Tel. 593 9953/ 593 8453

### TA BENDE

1 box di palo den bon condicion  
Fls.50.00  
Tel. 560 8929

### SERVICIO PUBLICO

Mi ta ofrece servicio pa haci  
reparacion di porta, ventana y  
hopi mas. Pa mas informacion  
Tel. 563 6762

### TA HUUR

Un apartment, 1 camber, baño,  
sala, cushina, entrada priva  
Madiki 67  
Tel. 593 0769 / 593 3514  
583 2034

### SERVICIO PUBLICO

Ta haci tur trabou di  
construccion y carpinteria y tur  
cos cu ta furamento di stul  
Tel : 746 0518 / 569 7539

### SERVICIO PUBLICO

Pa trabou di data-entry of  
update di bo administracion pls  
contact:  
Tel.568 2339

### SERVICIO

Unified One Events  
Photos , films, wedding  
Tel. 749 2533

### SERVICIO PUBLICO

Mi ta ofrece servicio di  
electricista en general corto  
circuito y mantencion  
Tel.566 5026

### SERVICIO PUBLICO

Nos ta chapi, corta y planta  
mata, brinda tur servicio cu bo  
cura mester. Tira sushi afo,  
Tel. 738 1908

### SERVICIO PUBLICO

Nos ta haci trabou di  
plomeria, electricidad,  
hardineria incluye hiba sushi  
Handy man.  
Tel.742 6250

### Sushi den cura?

Ta piki sushi cu pick-up  
grandi pa Afl 75,= pa buelta.  
Yama nos na  
561 4297 of 561 5179

### SERVICIO PUBLICO

Sushi den cura pa solamente  
50,- pa buelta, nos ta lante  
lague limpi  
Call 592 5766

### SERVICIO PUBLICO

Mi ta ofrece pa cuido di mucha  
di dialuna pa diabierna y  
weekend. Pa informacion  
Tel. 558 7310

### SERVICIO PUBLICO

Mi ta chapi, lanta sushi, corta  
mata, transporta frigidaire, was-  
machine biew, drecha cas, etc.  
Tel. 564 1979

### SERVICIO PUBLICO

Masaje reductores, terapias  
para el dolor, terapia infraroja,  
kinesiotape, tratamiento faciales  
Avicenastraat #18 local A  
Tel. 566 1412 / 561 8520

### SERVICIO

Reforsamo papiamento-español,  
of español pa papiamento pa  
hende mayor y mucha  
Tel. 563 4641

### SERVIO PUBLICO

Ta ofrece pa verf y chapi cura  
bon prijs. Nos ta hiba e sushi.  
Yama pa mas informacion na  
563 4828 / 5679610

### SERVICIO PUBLICO

Ta traha y renoba Cas  
drecha dak, ta basha vloer,  
pleister, verf cas, traha cura,  
pega mosaico  
Tel.563 4168

### SERVICIO PUBLICO

Pa haci trabou di verf y chapi,  
tur mantencion di pafor di cas  
Yama y puntra pa Benito na  
Tel.630 5185

### TA BUSCA

trabou pa haci cas limpi,  
negoshi of oficina  
Tel.561 3910



### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610  
F A V I  
Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

### Fundacion Autismo Aruba

Irenestraat 21 Aruba  
297-588-1179

### Fundacion Pa Nos Muchanan

Cumana 2 Aruba  
297-583-4247

### Fundacion Tel Pa Hubentud

Wilhelminastraat 19  
Aruba  
297-588-6138

### Koningin Wilhelmina Fonds

Spinozastraat 9 Aruba  
297-582-0412

### Mary Joan Foundation

Sabana Blanco 8 Aruba  
297-588-9999

### Rode Kruis Aruba

Pedro Gallegostraat 14  
Tel.297-582-2219  
Fax 588-3376

### Famia Planea (SBVO)

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

### Stichting Fundacion Guia Mi

George Madurostraat 34  
297-582-0088

### Y M C A

Calbasstraat 1 Aruba  
297-582-3072

### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081



### Dokter na warda

Oranjestad San Nicolas  
Hospital Imsan  
7:00 pm / 10:00 pm 24 ora

### Botica na warda

Oranjestad: San Nicolas:  
Paradera Aloe  
Tel. 588 6638 Tel. 584 4606

EMERGENCIA 911

### POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

### BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

### UTILIDAD

Setar	117
Web	525-4600
Elmar	523-7147

### FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

## Servicio di Taxi

**Aruba Transfer Tour &  
Taxi C.A.**

Tel: 582 2116 / 582 2010

**Taxi Adres Services (24h)**

Tel. 587 5900

**A1 Taxi Services Aruba**

Tel: 587-8850  
Tel: 280-2828  
Whatsapp: 592-7024



### Tempo:

Awe tardi y awe nochi: par-  
cialmente nubla y general-  
mente seco  
Den marduga y mañan: par-  
cialmente nubla cu un awa-  
sero breve  
Temperatura maximo 34 gra-  
do Celsius  
Temperatura minimo 29 gra-  
do Celsius  
Indice di calor (heat index)  
den y rond di oranan di mer-  
dia: 35 pa 44 grado Celsius  
UV index: 12

## Pronostico di tempo

Temperaturanan lo ta un  
poco mas halto cu normal  
den proximo 24 ora. Ta pidi  
publico pa tuma e precau-  
cionnan necesario pa evita com-  
plicacionnan di esaki.

Bahada di solo : 6:34 pm  
Subida di solo : 6:29 am.

### Biento:

Moderado for di direccionnan  
entre oost-noordoost y oost-  
zuidoost;  
Forsa 3 te 4 (12 te 30 km/ora,  
7 te 16 nudo)  
Durante di dia basta fuerte  
te posiblemente fuerte den  
rafaga;  
Forsa 5 te 6 (31 te 50 km/ora,  
17 te 27 nudo)

### Situacion general di tem- po pa proximo 24 ora:

Humedad persistente den  
e partinan mas abou di at-  
mosfera lo por produci den  
oranan di marduga y mainta  
trempa localmente un awa-  
sero pasahero te breve. Sobra  
di dia tempo lo keda general-  
mente seco.

### Condicionnan maritimo/ estado di lama:

Na partinan protegi di costa:  
keto, rond di 1 pia.  
Na partinan zuid: tranquil, en-  
tre 2 pa 3 pia.  
Na partinan oost te noord-  
west di costa: generalmente  
modera entre 4 pa 5, local-  
mente 6 pia




# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi no tin falta di nada. Den cunucu di yerba berde e ta pone mi sosega. E ta hiba mi na awa trankil, pa mi bolbe haya forsa”  
Salmo: 23



A fayece cristianamente:

**Juan Maximi Hermano Boezem**  
Mihor conoci como: Armando of Paito  
Ridder in de orde van Oranje-Nassau  
\*16-05-1928 †21-09-2023

Na number di su:

Esposa: †Maria (Carmen) Boezem-Gomes  
Yiunan:  
Crusita y Alirio Nava Kock  
Boy y Imelda Boezem-Geerman  
Max Boezem  
Mary Lou Boezem y †Raymond Kock

Nietonan:  
Christopher Boezem y Gabriella de Mey  
Edson Kock y Ti Joie  
Rayson Kock  
Rigo Nava y yiu  
Nilo Nava  
Carlos Nava  
Manera yiu: Norvin Croes

Ruman(nan):  
†Carmita Boezem y Famia  
†Lorencio Boezem y Famia

Cuñanan:  
Cecilia Jacobs y Famia  
†Margarita Werleman y Famia  
†Clark Gomes  
†Justina Gomes  
Thea Gomes y Famia  
Sonia Gomes y Famia  
Sobrinostima: Michael Croeze, Esposa y yiu  
Demas sobrinostima(nan): Karin, Esther, Isa, Joan, Lorraine, Jerry, Janine, Angele

Ihanan: Theo Werleman, Sandra Cheung, Karin Croeze, Norvin Croes  
Na tur su primo y primanan, swa y cuñanan, comer y compernan.  
Amigo/a(nan) di cas: Esmeralda Krosendijk y famia, Eric Croes  
Bon bisia(nan): Lalany Mayra Ras y famia, Bahaedine y Mouna Hallab y famia  
Ayudantenan: Barbara, Marcos y Gregory  
Dokter di cas: Dr. Kenneth Croes y asistente  
Demas famia: Boezem, Gomez, Gomes, Geerman, Kock, Nicolaas, Kusmus, Vis, Thomas, Semeleer, Werleman, Jacobs, 't Mannetje, Croes, Libier, de Freitas, Nava, Krosendijk, Ras, Hallab, Williams, de Mey, koolman y demas famianan na Aruba, Bonaire, Corsou, St. Croix, Hulanda, Merca, Polonia y Belgica.  
Ta invita demas famia, bisia, amigo, su ex-coleganan di Ontvanger der Belastingen y conocinan pa e acto di entierro cual lo tuma luga diamars 26 di september 2023 for di 2or pa 4or di atardi na Aurora Funeral Home y despues lo sali pa Santana Catolico De Vries na Santa Cruz.  
Despensa nos cu si den nos tristeza nos a lubida un of mas famia. Nos ta lamenta cu nos no ta ricibi bishita di condolencia na cas.

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Dios ta amor y amor ta Dios. Maske mi no ta na e mundo aki mas, tur dia lo mi ta banda di boso curason. Mi por stens di loke senyor ta haci.  
Salmo 33.

Cu inmenso tristeza na nos curazon pero conforme cu boluntad di nos Señor nos ta anuncia fayecimento di nos Ruman y Omo stima



**Sr. Gilberto Marco Croes**  
Mihor conocí como “Betto”  
\*11-05-1948- †16-09-2023

Na number di su:

Mayornan: †Paulus y †Chinda Croes-Luidens  
Rumanan:  
†Nadi y †Maria Croes-Loefstop;  
†Everaldo Croes  
†Felipe Croes  
Valentin y Margo Croes-Vrolijk  
Maria y †Cobito Vrolijk-Croes  
†Fabia Croes  
†Augustin y Swinda Croes-Erasmus  
†Marta Lucia Tromp-Croes y Benito Tromp  
Thelma Croes  
Lourdes y Harold Tromp-Croes

Sobrinonan: Lugia y †Alberto Wernet-Croes,  
Raymond y Ivette Croes-Croes, Johnny Croes y Adeline Croes, Marisol Croes, Suzy Vrolijk, †Aurin y Eric Croes-Vrolijk, Richard y Charlotte Vrolijk-Rosel,  
Cindy y Bryan Herde-Robles, Jairzinho y Rosita Croes-Suarez, Gregory Croes, Danilah Croes y Greg Maduro, Gilbert y Francine Croes, Victor Tromp y Jessy Larmonie, Angelie Arends, Jeffrey Arends y Monica Camara, Marylou y Moises Fernandez-Tromp, Alexandra Tromp y Justin Every

Sobre sobrinonan cu el a stima manera yiu : Analyn, Aimee, Enriq, Keanu, Sophie, Tyrone, Noah, Maya, Valentina, Daniel, Hemely  
Tur otro sobre sobrinonan

Su ihanan: Marisol Croes – Richard Vrolijk  
Manera sobrina: Anna Maria Tromp y yiunan  
Amistadnan di cas: Emigda y Percy Ignacio-Jansen  
Joanna Mendez

Su bon amigonan: Martha y Mario Mejia-Vargas  
Jaime Vargas, Clara (Chichi) Vargas

Su bon bisia(nan)

Amistadnan y Ex Coleganan: Holliday Inn, Bushiri Beach Hotel y Aruba Beach Club

Primonan y demas Famia: Croes, Luidens, Tromp, Vrolijk, Erasmus, Loefstop, Vrolijk, Lacle, Winterdaal, Arends, Herde, Robles, Lampe, Loefstop, Ras, Rosel, Camara, Suarez, Larmonie, Wernet, Fernandez,

Acto di condolencia y despedida lo tuma lugar diaranson 27 di september 2023 di 9or pa 11or di mainta na Aurora Funeral Home.

Nos ta lamenta cu despues di Entierro nos no lo por ricibi bishita di Condolencia na cas.  
Nos ta pidi nos disculpa si den nos tristeza nos lo por a lubida un of otro famia.

## Plan Vacacional Playa Pabao di luna di october

Directiva di Centro di Bario Playa Pabao ta anuncia cu e aña aki un biaha mas ta organisa nan famoso y tan spera “Plan Vacacional” di luna di october. E actividad ta tuma lugar na Centro di Bario Playa Pabao cu un duracion di un siman, cuminsando 2 di october y terminando 6 di october.

E programa ta di dialuna pa diabierna di 8or am pa 12or pm. Nos Plan Vacacional ta specificamente pa muchanan entre 4 y 12 aña. A riba peticion di e muchanan por dicidi pa hisa e edad pa 15 aña. Durante e siman aki ta bay tin actividad cu lo tuma lugar na Centro mes y tambe lo bishita diferente lugar manera nos ta bay pool, deporte, obra di man y hopi actividad mas. Tambe tin informacion y instruccion di e deporte di baseball y tambe ta bay tin weganan recreativo pa tur mucha tanto paden como pafor. Manera tur aña e ultimo dia di e Plan Vacacional lo tin un anochi di presentacion pa mayornan por gosa di show cu cada grupo ta presenta. Naturalmente por bin cambio ainda den e programa. Mayornan por pasa inscribi nan yiu (nan) na Centro di Bario Playa Pabao di dialuna pa diabierna, mainta entre 8or am y 12or pm y atardi entre 2or pm y 6or pm. Nos Plan Vacacional tin un duracion di un siman y ta cobra e suma di 50 florin pa mucha cu ta inclui tur actividad cu ta tuma lugar y tambe cada mucha ta haya un sandwich cu juice mainta. Pa motibo organisatorio e ultimo dia pa inscribi ta diasabra mainta dia 30 di september te cu merdia 12’or.

Directiva di Centro di Bario Playa Pabao ta recorda mayornan pa inscribi nan yiu (nan) na tempo pa asina evita cu e mucha ta bay riba lista di espera. Directiva di Centro di Bario Playa Pabao ta desea nos muchanan di Playa Pabao y di Aruba en general un dushi vakantie. Pa mas informacion por pasa libremente durante orario di inscripcion of yama Centro di Bario Playa Pabao telefon 583-7775 entre 3or pm y 6or pm.

# Aurora

## Royal Pray

Funeral Home & Crematory

Tur cos aki na mundo tin su ora y su tempo,  
Ora pa nace y ora pa muri, ora pa yora y ora pa hari,  
Ora pa keda keto y ora pa papia, ora pa stima y ora pa odia,  
Ora pa guerra y ora pa paz”  
Predicador 3:1-2-4-7-8

Cu inmenso tristeza na nos curazon nos ta anuncia fayecimento di:



**Leopoldus Albertus Yrausquin**  
Mihor conoci como: “All”  
\*04-06-1966 †24-09-2023

Acto di entierro lo wordo anuncia despues.



## Biden ta bisa lidernan di islanan Pacifico cu e ta tende nan advertencia tocante cambio di clima y lo actua



**(AP)—Presidente Mericano Joe Biden a conta 18 lidernan di e Pacific Islands Forum cu e a tende nan advertencia tocante e efecto di cambio di clima riba nan region y cu su administracion ta compromete nan mes pa yuda nan aborda esaki.**

Lidernan di islanan Pacifico a reuni dialuna pa e comienso di un cumbre di Washington di dos dia. Hopi tabata critico

di paisnan rico cu no ta haciendo suficiente pa controla cambio di clima a pesar di ta responsabel pa gran parti di e problema, y pa beneficio for di prestamo provee pa nacionnan vulnerabel pa mitiga e efectonan.

Na e comienso di e cumbre, Biden a bisa cu su administracion ta pidiendo Congreso aproba 200 miyon dollar den asistencia nobo pa e region, incluyendo financiamiento pa

yuda e islanan prepara pa desasternan di clima y naturalesa y mehora infraestructura. Biden a priorisa un relacion den e region Pacifico durante un tempo cu tin preocupacion na Merca tocante e influencia di China cu ta creciendo.

Como parti di e cumbre, Merca ta estableciendo relacion diplomatico cu dos nacion Sur Pacifico, esta Cook Islands y Niue. Secretario di Estado Anthony Blinken a



tuma parti den un ceremonia di firmamento cu e premier di Niue, Dalton Tagelagi, y mester haci mescos cu e prome minister di Cook Islands, Mark Brown, pa marca e relacionnan nobo. Brown a acepta e relacion entre Cook Islands cu Merca y a bisa cu e partnership aki por ta un herment importante pa yuda e region logra su aspiracionnan. E forum ta inclui Australia, Cook Islands, Micronesia, Fiji, Polinesia Frances, Papua New Guinea, Republica di Marshall Islands, Samoa, Solomon Islands, Tonga, Tuvalu y Vanuatu.

Biden mester a cancela un bishita pa e region Indo-Pacifico, cual mester a bira un biahe historico pa Papua New Guinea, tambe como un bishita pa Australia pa un reunion cu lidernan di e partnership Quad pa asina e por enfoca riba limitenan di debe na Washington. Biden mester a bira e prome presidente Mericano den oficina pa bishita Papua New Guinea.

E presidente Mericano ta plania pa honra e prome minister di Australia, Anthony Albanese, cu un bishita otro luna.

## Lider di Banco Central Europeo: grado di interes lo keda halto “tanten cu mester”

**(AP)—E hefe di e Banco Central Europeo (ECB) a bisa dialuna cu e gradonan di interes lo keda halto suficiente pa limita actividad empresario pa “tanten cu mester” pa por surpasa inflacion. Asina mes, e tin compasion pa propietarioonan cu a mira nan hipoteca aumenta hopi.**

Christine Lagarde a bisa cu gradonan di interes lo keda halto pasobra presion riba prijs “ta keda fuerte” den e 20 pais cu ta uza euro. “Gastamento riba vakantie y biahamento” y aumento den salario tabata strobando e caida di nivel di prijs hasta mientras e economia ta keda floho, el a bisa. Inflacion anual den e zona Europeo a baha un tiki for di 5.3% den juli pa 5.2% den augustus.

ECB a subi nan grado di deposito pa 4% despues di un record den aumento for di -0.5% den juli 2022. El a nota e strobamento di inflacion riba hogarnan cu salario abao



cu ta uza un pida grandi di nan entrada riba cosnan basico manera energia, bisando cu e pa baha inflacion pa 2% ta e solucion.

“Mas lihe nos yega eyan, mas stabiel prijsnan ta keda,

y menos doloroso e lo ta pa sigui dilanti,” Lagarde a bisa. Analistanan ta pensa cu ECB kisas ta bay stop di aumenta gradonan di interes mirando e señalnan di un aumento di deterioro den e economia Europeo. Otro banconan

central, incluyendo e Banco di Inglatera y e Reserva Federal Mericano, a preveni aumento di grado siman pasa mientras cu nan ta yega na e fin di nan campananan aumentamento.

Inflacion a surgi mientras cu e economia global a cuminsa recupera for di e pandemia di COVID-19, y despues Rusia a invadi Ucrania, resultando den un aumento enorme den prijs di energia y cuminda. Lagarde a bisa cu e gradonan di interes ta suficiente halto awo pa haci un “contribucion substancial” pa reduci inflacion si “mantene esaki pa un duracion suficiente.” E banco ta mira inflacion reduciendo pa un averahe di 2.1% na 2025 despues di a yega na un record 10.6% den october.

Gradonan mas halto ta e metodo principal di e banco central contra inflacion excesivo. Nan ta influencia e costo di credito den henter e economia, haciendo e mas caro pa haci prestamo pa cosnan manera cas of facilidadnan di empresa. Esey ta reduci demanda pa producto y, como resultado, inflacion ta riesga e crecimiento economico tambe.



## Residentenan di Lahaina a cuminsa bolbe back sitio destrui pa candela



**(AP) - Algun residentenan di Lahaina a bolbe back nan propiedadnan debasta dialuna pa prome biaha desde cu e ciudad di Hawaii a ser destrui pa candela casi 7 siman atras.**

E prospecto di bolbe a causa emocionnan fuerte den

e residentenan cu mester a bandona nan casnan den auto of na pia mientras cu candela nan tabata consumi Lahaina, e capital historico di e ex reino di Hawaii. E candela cu a tuma luga dia 8 di augustus a causa e fayecimento di 92 persona y a destrui mas di 2,000 edificio, mayoria di

nan casnan. Algun di e sobrevivientenan a bula den awa y a busca refugio den olanan mientras cu huma scur tabata blokia e solo.

Oficialnan a urgi e residentenan bolbiendo back e area pa no busca door di e restonan pa asina no lanta stof



toxico. E prome area cu a ser duna e 'ok' pa bolbe drenta ta e zona pa noord di Lahaina. E residentenan por a bolbe back pa bishitanan supervisa entre 8or di mainta te 4or di atardi riba dialuna y diamars.

For di blokia di Guardia Nacional cerca di e zona, Jes Claydon por a mira e ruina di e cas unda el a biba pa 13 aña y a cria 3 yiunan. Tiki resto por a ser reconoci ademas di e pochinan di 'sea glass' cu tabatin dilanti e porta. Claydon tabatin spera di por coeleta e pochinan aki y cualkier memoria cu e por a haya, "mi

kier e libertad di por ta ey y absorbe loke a pasa," el a comenta. "Cualkier cos cu mi por haya, aunke ta djis e pochinan ey, mi kier bay cune.. e ta un parti di cas."

E personanan cu a bolbe back a ricibi awa, stacion pa laba, w.c portatil, cuidio medico y di salud mental ademas di transportacion si necesario. Gruponan di boluntarionan tambe a ofrece ekipo di proteccion personal, incluyendo tapaboca. Oficialnan a adverti cu e restonan por contene asbestos, jood y otro toxinan.

## Senador democratico Menendez ta rechasa yamadonan pa retira

**(AP) - Senador Democratico Mericano Bob Menendez di New Jersey a pusha contra acusacion federal di corrupcion riba dialuna, bisando cu e casi mita miyon dollar cu autoridatnan a haya den cash na su cas tabata di su spaarmento personal y no di soborno y tabata na su cas pa usa den caso di emergencia.**

Rechasando yamadonan den aumento pa su persona retira, e presidente influencial

di e Senate Foreign Relations Committee a bisa cu e ta kere cu e lo ser libera di e acusacion cu el a acepta placa cash y oro a cambio di ayuda Egipto y New Jersey su asociadonan di negoshi.

"Mi ta reconece cu esaki lo ta e lucha mas grandi te awo, pero manera mi a declara durante henter e proceso, mi ta kere firmemente cu ora tur e hechonan keda presenta, no solamente mi persona lo keda exonera sino cu mi lo sigui como New Jersey su Sena-



dor," Menendez a declara.

E no a responde na preguntanan y no a bisa si e lo busca reeleccion proximo aña.

Tratando e acusacionnan den e acusacion formal revela diabierna cu autoridatnan a haya placa den envelopnan y paña na su cas, Menendez a bisa cu esaki ta a causa di su mayornan su miedo cu fondo lo

ser confisca, miedo cu ta bini for di nan tempo na Cuba. "Esaki por mustra ouderwets, pero esakinan ta placa cu mi a saca for di mi propio cuenta di spaar basa riba e ingreso cu mi a adkiri legalmente durante e 30 añanan," el a splica.

Autoridatnan a haya mas di 10 envelop cu mas di miles di dollar den cas cu tabatin e fingerprint di un di e otro

acusadonan den e caso, segun e acusacion formal.

Menendez tambe a atende su relacion cu Egipto, cual ta hunga un rol central den e acusacion den su contra, sugiriendo cu e tin tempo siendo fuerte riba e pais a causa di su detencion di Mericanonan y "otro abusonan di derechonan humano."

